



सानसेयारि 'बड'सा' खीरालाइयाव अमाज्यादि जिउजो लोब्बा थावाय रायथाय, खन्थाय, अल', अल'बाथा आरो हावबायादि थावनि, पार्क बाइदिनि सायाव लिन्नाय लिन्निबां दैथाय डर/सानसेयारि 'बड'सा' खीरालाइया अवेब्रानावै फोसावगोन।


बड'सायाव लिन्नायदि हुबा खालाम्, 'बड'सा' खी नौथो, जो बयबो अंगो खालाम्।

सानसेयारि बड'सा मावखुलि
माइबं नोगोर, जोहोलाव देमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Thursday ★ 21 December, 2023 Kokrajhar, BTC, Assam ★ Vol.- 33, Issue No. 265 ★ R.N.I.Regd.No.40994/91, Assam Govt.Regd.No.IPRD.40/2006/3, ★ Rs.8/-

मोन 24 संबिजिरारि रावआव साहित्य अकाडेमि बान्था 2023 खौ फोसावबाय

बर' रावआव सुद' सल' बिजाव 'जिउ सफरनि दाखोन' बिजावनि थाखाय नन्देश्वर देमारिआ बान्थानि थाखाय सायख' जादों



गोदान दिल्ली, 20 डिसेम्बर: साहित्य एकाडेमिया दिने बोसोरारि साहित्य एकाडेमि बान्था 2023 खौ दिने हाबाफारि बायदि फोसावनाने होबाय। बान्था मोनो हानाय बिजावफोरनि गेजेरव गां 9 खन्थाइ, गां 6 सल'मा, गां 5 सुल'सल', गां 3

राइथाय आरो गां से थुनलाइयारि सावरायथाय बिजावफोरा दंफायो। मख'नो गोनादि, बिजावफोरखौ मोन 24 भारतयारि रावफोरनि सायख' आफादफोरनि गेजेरजों लानाय जादों। साहित्य एकाडेमिनि आफादगिरि माधब कौशिकनि (□ 5 बिलाइआव)

गिबि मन्थिआ बाथौ आसार-खान्थि आरो हारिमुवारि मिरुखौ बेखेवबाय बाथौआ रोजा-रोजा बोसोरनिफ्राय आसामनि हारिमुवारि, जिउयारि सान्थौखौ गोखों खालामबोदों: गिबि मन्थि

दिसपुर, 20 डिसेम्बर: गिबि मन्थि उ हिमन्त विश्व शर्माआ दिने कक्राझार सहरनि बागानसालियाव बिटिसि खुंथायनि 5 कौटि रॉनि फान्जों लुनाय बाथौ आसार-खान्थि आरो हारिमुवारि मिरुखौ बेखेवनाने होयो। गुबुन फासंथि गिबि मन्थिआ कक्राझारनि हाबुवारिआव खुंनाय जौगाखां भारत संकल्प याजनि हाबाफारियावो बाहागो लायो। बाथौ आसार-खान्थि आरो हारिमुवारि मिरु बेखेवना होनाने गिबि मन्थिआ बुडोदि, 1994 माइथायाव गायसनजानाय समनिफ्रायनो बागानसालि बाथौ मन्थिआ कक्राझार ओन्सोलनि जिउयारि दाहाखौ गोखों खालामबोदों। बाथौ फुजाखौ राइज्योनि ओन्सोलारि फोथायथिनि गोजामसिन धोरोम होनाने गिबि मन्थिआ बुडोदि, बेयो रोजा-रोजा बोसोरनिफ्रायनो आसामनि हारिमुवारि आरो जिउयारि सान्थौखौ गोखों खालामबोदों। यजुबेंद, अथबबेद, रामायण, महाभारत,



कालिकापुराण, यगिनितन्त्र बायदि किरत सुबुंफोरनि धोरोमारि आसार-खान्थिनि बाथा मख'नाय दड' होनाने बिथाड बुडो। किरत फोलेरनि राजाफोरनि खुंथाय समाव धोरोमारि आसार-खान्थिफोरा गोहोम खोखेदों होनाने गिबि मन्थिआ बुडोदि, बाथौ धोरोमनि दर्शनआ भगवान ब्रह्मा, बिष्णु आरो महेश्वरखौ दिन्थिफुडो होनाने बिथाड बुडो बाथौआव गिबियाव ब्रह्म बोराय बाथौआव हा, बार, दै, अखां आरो अर बे मोनवानि गेजेरव जाय भगवाननि गोहोया बाहाय जादों बेखेनो परमब्रह्म होनानेबो बिथाड बुडो। बिथाड बुंवावोदि, जाय अखां भगवानखौ गोसो गुवार अनफावरनि नेसॉन, सुर्य भगवानखौ जाफुंसारनायनि नेसॉन, बार भगवानखौ गोथार आरो सैथोनि नेसॉन आरो दै भगवानखौ खौसेथि आरो दावनायनि नेसॉन महै गनायनाय जायो। (□ 5 बिलाइआव)

गिबि मन्थि शर्माआ बिटिआरआव बावैसोनि उनावनो गं 1200 फरायसासलियाव थिसन्थायनि फोसावथाय होनो फोसावदों



कक्राझार, 20 डिसेम्बर: बिटिआर ओन्सोलाव टेट उथिसारनाय 19 रोजा खामानि गैजायै लाइमोन सेंग्रा-सिख्खाफोरनो बिटिसिनि गाहाइ खुंगिरि प्रमद बर' दैदेनाय सरकारआ रांखान्थियायारि एसआइइडनि गनायथि गैजा होनाने बुं'बोनायनि उनाव दिने टेट उथिसारनायफोरा कक्राझारआव गोखों रेखाथिखौ सोसिनाने गिबि (□ 5 बिलाइआव)

बिटिआरनि जुथाय दोलो सरकारनि 3 बोसोर आबुं जानायनि फोर्बो

सोलोंथायारि जौगाथायनि थाखाय मोन 6 बिथांखनि अन्थाइ खाम्फा गायसन्दों आखाइयाव हाथियार लानायनि गोनांथि गैलिया, आथिखालाव गोनांथिया सोलोंथाय आजावनानिसो: गिबि मन्थि

दिसपुर, 20 डिसेम्बर: 'बड'लेन्ड टेरिस्टियेल रिजनि (बिटिआर) आ दिने गोखों जौगाथायनि लामाजों सिगांलांबाय। बिटिआर रादाया बे ओन्सोलायाव गोजोन आरो खौसेथिनि मोनसे गोदान मुगा सोजिदों। बिटिआरनि आथिखालनि जुथाय दोलो सरकारआ 3 बोसोरारि आबुं जानायखौ लोब्बा लानाने दिने बिजनी गेलेमु आफादनि गेलेमु फोथाराव खुंनाय गेदेर सुबुं गौमायाव आसामनि गिबि मन्थि उ हिमन्त विश्व शर्माआ गावनि (□ 5 बिलाइआव)



चिरां जिल्लानि बारग' रौनियानि न'आव हर थादों मन्थि उखाव गोरा ब्रह्म

भवानिपुर, 20 डिसेम्बर: आसामनि केबिनेट मन्थि उखाव गोरा ब्रह्मआ थांनाय हरयाव चिरां जिल्ला बिजनीनि बर'बाजारनि बरिपारा गामिआव हर थादों। मैया मोनाबिलियाव मन्थि उखाव गोरा ब्रह्मआ बरिपारा गामिनि बारग' रौनिया आरो गामिनि सासे मुदांखा नोगोरारि रहेन ब्रह्मनि नख'राव थादोंमोन। बिथांआ रहेन ब्रह्म आरो बिथांनि बिसि समेला ब्रह्मजों लोगोसे बरिपारा गामिनि सुबुंफोरनि आखाइजों बानायनाय मोनाबिलिनि साहा आरो हरनि ओंखाम जायो। मन्थि बिथाड गामियायि आबहावायाव गोजां बोथोरनि अर सायनाने नख'रजों लोगोसे गामिनि माखासे गामियायिफोराजों सावरायलायो। बेलासि समाव ब्रैनिफ्राय बा घन्टासिम मन्थि उखाव गोरा



ब्रह्मआ रहेन ब्रह्म आरो बिथांनि नख'रनि सुबुंफोरजोंबो सावरायलायो। मन्थि ब्रह्मआ दिने फुडव साहा लोखानायनि उनाव रहेन ब्रह्मनि नख'र आरो गामिनि सुबुंफोरखौ, आं फिन फैफनगोन, आरो नोथांमोन बयखौबो लोगो हम्फेगोन होनाने बुडो। बिथाड गामियायिफोरनि सिबिनायखौ माब्लाबाबो बावनाय नड होनाने (□ 5 बिलाइआव)

कक्राझार जर'खा बिजिसालिया दायनिगिरिखौ 30 बोसोरनि जोबथेसालिनि साजा होबाय

कक्राझार, 20 डिसेम्बर: कक्राझार जर'खा बिजिसालिया दिने मोनसे हियायिनि गेजेरजों उन्दे हिन्जावसाखौ जिनाहार खालामनाय जाथायनि दायनिगिरिखौ 30 बोसोरनि जोबथेसालिनि साजा फोसावो। मख'नो गोनादि, कक्राझार जर'खा बिजिसालिनि बिजिगिरि जयदेव कचआ पस्क आइनि सिडाव जिनाहार जाथायनि दायनिगिरि कनक रायनो 30 बोसोरनि जोबथेसालिनि साजा होनायजों लोगोसे 20 रोजा रॉनि जुरिमाना फोनाडो। मख'नो गोनादि, जुरिमाना होयाब्ला आरोबाव 6 दानसिम जोबथेसालियाव थानांगोन। सुलुड मिथिहोनाय बादिब्ला, सोनाब बंगनि आलिपुरदुवारनि सेंमारि गामिनि कनक रायआ थांनाय 2022



माइथायनि 21 आगस्टखालि बिमारयनि न'याव थांनाय सासे 15 बोसोर बैसोनि हिन्जावसाखौ जिनाहार खालामदोमोन। उनाव जाथायनि सोमोन्दे सैनांनाय हिन्जावसाखौ नख'रा 2022 माइथायनि 24 आगस्टआव गसाइगाव पुलिस थानायाव मोनसे गसर थिसन्दोंमोन। बे गसर

बादियेनो 120 (बि)/376 धारनि सिडाव रेंजिस्टर जानाय 313/22 गसर न बादिये आरो जरखा गसर न 65/22 बादिये कक्राझार जरखा बिजिसालियाव बिजिरनाय हाबाफारिया सोलिदोंमोन। दिने बे नायबिजिरनायनि जोबथा हियायि होनाने कक्राझारनि जयदेव कचनि जर'खा बिजिसालियाव कनक रायखौ 30 बोसोरनि जोबथेसालिनि साजा आरो 20 रोजा रॉनि जुरिमाना फोनाडो। मख'नो गोनादि, मैया मंगलबासखालि जयदेव कचनि जरखा बिजिसालिया उन्दे हिन्जावसाखौ आथोनारि गालोबनाय जाथायनि दायनिगिरि फारिये- जयनाल आबेदिन आरो रुहुल बसुमतारिनो फारिये 25 बोसोर आरो 5 बोसोरनि जोबथेसालिनि साया फोसावदोंमोन।

लामा रैखाथिनि सायाव गिबि मन्थिनि नायफामफिन्नाय जथुम हादतसा सरकारा 2026 माइथायसिमाव आसामखौ लामा जाब्रबथायनिफ्राय उदां राइज्यो खालामनो थांखि लादों: गिबि मन्थि

दिसपुर, डिसेम्बर 20: गिबि मन्थि उ हिमन्त विश्व शर्मानि मासि सामलायनायाव जनता भवननि पाब्लिक सांभस भवननि कनफारेन्स रुमआव दिने राइज्योआव लामा रैखाथिनि बिथिडव लानाय गुबुन गुबुन बिथिनि सायाव सावरायलायनाय मेल खुंनाय जायो। बे मेलाव जिल्ला कमिसनार आरो पुलिस सामलायगिरिफोरा 'भिडिअ' कनफारेन्सनि जोहै बाहागो लायो। बे जथुमआव राइज्योआव जानाय लामा जाब्रबथायफोरखौ गुवारै नायबिजिरनाय जायो। गिबि मन्थिआ जिल्ला कमिसनार आरो



पुलिस सामलायगिरिफोरखौ जाब्रबथाय जाथावना जायगाफोरखौ सिनायथिनो आरो बेफोर बायदि जायगाफोराव थांनो

थाखाय मोनसे रिफ्लेक्टर खाथि दाजाबदेरनो बिथोन होदोंमोन। गारिफोरनि गोखैथि होबथानाय

आयदानि सायावबो सावरायज्जायनाय जादोंमोन। बे (□ 5 बिलाइआव)

काजलगाव महकुमा गुदि फोरोंगिरि सन्मिलनी आरो बर' गुदि फोरोंगिरि आफादआ फोरोंगिरिफोरखौ सोलोंथाय लाहोनायखौ गोजोन्नाय मोने फोरमायदों

बासुगाव, 20 डिसेम्बर: गुनत्सबनि सिगां फरायसाफोलो थाखो खथायाव फरा-फारि सोलोंथाय होनायनिफ्राय जानगायव लाखिनाने चिरां जिल्ला सोलोंथाय बिफानआ थांनाय 20 नभेम्बर, 2023 माइथायनिफ्राय 9 डिसेम्बर, मोनथाम खोलोबयाव एफएलएन सोलोंथाय (ट्रेनि) होबोदों। जाय समाव चिरां जिल्लानि माखासे फरायसालिफोराव सासेल' फोरोंगिरिनि जेनाजों लोगोसे बांसिन्थार फरायसालिया सानै एबा (□ 5 बिलाइआव)

हाग्रा बिफाना तामुलपुरनि दर 15 गामिनि एडिएस कमिटिनो मैदेर होसो हरग्रा टर्स लाइट आरो फटका रान्नानै होदों

तामुलपुर, 19 डिसेम्बर: तामुलपुरनि साहा ओन्सोलाव हाग्रानि मैदेर आरो मानसिफोरनि गेजेरव सोमजिनया मोगा-मोगि जाथाया सानफा-एफा बांभोनो हमनायनि फासं नोजोर होनाने दिने बिटिसिनि हाग्रा बिफाना तामुलपुरनि साहा ओन्सोलनि गामिफोरनि एडिएस आफादनो जोगा माननि टर्स लाइट आरो फटकाफोर रान्नानै होयो। दिने तामुलपुरनि एमएलए जलेन



दैमारनि न'नि लांगोनायाव मिथिगा मावफारिया माधब चेत्रिआ

दैदेनाय बे टर्स लाइट रान्नाय हाबाफारियाव बाक्सा जिल्ला

डिएफअ रन्जित कुँवर, तामुलपुरनि एमएलए जलेन दैमारि

आरो कुमारिकाता दरखा हाग्रा मावखुलिनि बिबानगिरि बिरेन्द्र बर'नि नुजाथिनायाव गासै दर 15 गामिनि एडिएस आफादफोरखौ टर्स लाइट आरो फटकाफोर रान्नानै होयो। टर्स लाइट रान्नाय हाबाफारियाव तामुलपुरनि एमएलए जलेन दैमारीआ बुडोदि, गामि ओन्सोलाव हाग्रानि मैदेर हाबोब्ला बे टर्स लाइटजों बयखौबो इसाय होनो हायो बेनि (□ 5 बिलाइआव)

तामुलपुर जिल्ला अबर' सुरक्षा समिटिनि आफादगिरि-नेहाथारिजों सा 6 सोद्रोमाफोरा बिबान एंगारबाय

तामुलपुर, 18 डिसेम्बर: अबर' सुरक्षा समिटि, आसामनि तामुलपुर जिल्ला आफादनि आफादगिरि दुलाल पाटवारी आरो गाहाइ नेहाथारि मनरन्जन मेथिजों लोगोसे गुबुन सा 6 सोद्रोमाफोरा दिने अबर' सुरक्षा समिटि, तामुलपुर जिल्ला आफादजों लोगोसे अबर' सुरक्षा समिटि, आसामनि गुदि सोद्रोमाफोरा बिबान एंगारो। अबर' सुरक्षा समिटि, आसामनि दैदेनाया बर' जानाने थांनायनि थाखाय बिसोरो बिबान एंगारदों होनाने



गांसे रदाव बिबुंसरनि गेजेरजों मिथिहोदों। बिबान एंगारनाय आफादगिरि-गाहाइ नेहाथारिनि अनगायैबो गुबुन माखासे जिल्ला

सोद्रोमाफोरा जादों फारिये- हरेन तालुकदार, दयाराम नाथ, रमेन बर्मन, खर्गेश्वर राजबंशि, भुपन राजबंशि आरो दपे साले (□ 5 बिलाइआव)

सुजुगिरिनि खोलोम

आबाद मावनायावबो सांग्रां जानायनि गोनांथि

आधिकाल मोनफा आबाद दिखानाय एबा मावनायनि थाखाय थि सम एबा बोथोरनि गोनांथि नांलिया। जायखि जाया समावनो मोनफ्रोम आबादखोनो मावनो एबा दिखानो हासै, मोनफा-मोननै फसलनि अनगा। गोदो बोसोर खालाव मोनफाल' आबाद मावनानै दिखानाय जायोमोन आरो बेजोनो बोसोरनि जानाय आदार, थाव-संख्रै-फानलु, गान्नाय-जोमनाय, गथ'-ग'थायनि फरायनायखौ फोलोमसे फोलोमनानै फुरायनांगौ जायोमोन। जाउनाव गोबाडानो नख'र सामलायनायाव जेना नुजाथिनाया बयनावबो नुजायोमोन। गोदोनिल' बाश्रा नडा आथिखालावबो आबादजोल' गासैखौबो सामलायनांगौया गोब्राबसै। नाथाय आथिखाल गोबां रोखोमनि फसल जिने दाननि गेजेरावनो मोनफा नडा मोनफा आबाद मावनानै दिखानो हानाय जौनि गोनोखोगिरिफ्रा दिहुनबाय। बाडाइ सम आरो गोबां दिहुनथाय गोनां बेफोर फसलजोनो जौनि आबादारिफ्रा गोबां फिथाय मोन्नो हानाय जाबाय आरो मुलाम्फाबो आर्जिनो लामा मोनसै। गोनोखोगिरिनि बे दिहुनथायानो बाडाय सम आरो एसेल' हायावनो गोबां बिबानि फसल दिहुनायाव मदत खालामबाय। जायनि थाखाय आथिकालाव आबादारिफ्रा मोनफा नडा मोनफा आबाद दिखानानै आंखाल फोलोमनायनि लामा मोनबाय। मेसेनि मेसें, दैज्जानि दैज्जां गोबां रोखोमनि आबाद मावनो आरो दिहुनो हासै।

नाथाय सम सम मिथिंगायारि अलखदआसो आबाद दिखानायाव आबादारिफोरखौ बाइदिसिना बिथिनि जेनायाव खोखलैनानै आंखालजो आन्दायहोनानै जुबा खालामो। नोजोर खालामथावदि थानाय दैज्जां बोथोरनि आबाद गाइनांगौ-फुनांगौ समाव मिथिंगायारि खेदां रानस्राव बोथोर नुजाथिनाया जायगा जायगा माइ आबाद दिखानायाव गोबां खहा खालामनानै होदों। जाउनाव माइ आबादनि सायाव सोनारनानै जिउ खुंग्रा आबादयारिफोरनि गोबांखौनो जालायाव खोखलैदों आरो आंखाल खालामनायनि लामा लादों। आबादयारिफोरनि बे आंखालखौ फोलोमनो सरकार बिथिनिफ्राय बाइदिसिना रोखोमनि मदत होनायनि गोनांथि दं, जायनि गेजेरजों बिसोरबादि आबादयारिफ्रा थानानै थानायाव जुबा जानाड। नाथाय सरकारनि बेफोर मदतफ्रा आबादारिफोरनि आंखाल फोलोमनो थोजासे नडा। बेखायनो मदतजों लोगोसे गावनि फासैबो गोखौं फोथायनाय लानाय गोनांथार।

दिनैनि फान्जामुथि

राशि बाइदियै मुनि गिबि हांखो

मेघ : अल बुध : ऊब (उ ए इ) मिथुन : क छ (ड घ)
 कर्कट : ड ह सिंह : म ट कन्या : प ठ (ण ष)
 तुला : तर वृश्चिक : ब न धनु : ध भ (ङ फ)
 मकर : ख ज कुम्भ : ग श (स) मीन : द च (ख ज झ)

- मेघ:** लोगोनि दारै माबाफोर दावराव-दावसि जानो हागौ। जेखि जाया गोसोखौ हमथानांगोन।
- बुध:** नख'रनि साफ्रोमजोंबो अनलायनाया बांगोन। मोजां मोनलायनाया समानै थागोन।
- मिथुन:** मानिबा थाखाय जिंगा सिनानो हागौ। गोसो हमथानानै थानाया गाहाम।
- कर्कट:** नख'रनि जेनाफोरखौ लानानै जिंगा सिनानो हागौ। गोसोखौ लोरबां लानो नाड।
- सिंह:** जेरैबो रंजा-बाजा खालामनानै थानो हागोन। फारफ्रोमथिबो मोजां।
- कन्या:** जेखि मावा बेफार फालांगिआव मुलाम्फा खालामनो हागोन। गोजोनखौ मोन्नो हागोन।
- तुला:** गोसोआव मानिबा रंजारखानाय फेनो हागौ। सान्नायफ्रा जाफुनो हागौ। मोजां सम।
- वृश्चिक:** बबेबा खामानियाव हेंथा होजा बायनो हागौ। सान्नाय थाखिआ जाफुनाय नडा। सांग्रां जानांगोन।
- धनु:** जे खामानिखौ मावगासिनो दड', बेयावहाय मुलाम्फा आरजिनो हागोन। गोजोन मोनगोन।
- मकर:** मोजां रेंगथि जानो हानायनि थाखाय सन्मान मोन्नो हागोन। फारफ्रोमथिबो मोजां।
- कुम्भ:** फालांगिरिनि थाखाय मोजां सम। मुलाम्फा आरजिनानै लानो हागोन।
- मीन:** गावखौ समाइना खालामना लानो हागोन। फारफ्रोमनिफ्रायबो गोजोन्नय मोनगोन। मोजां सान।

तामिलनाडुनि गोजौ थाखोनि सोलोंथाइ मन्थि के पनमुडिया माद्रास हाइकर्टनिफ्राय गोमोथाव खौरां मोन्दों

गोदान दिल्ली, 20 डिसेम्बर : तामिलनाडुनि गोजौ थाखोनि सोलोंथाइ मन्थि के. पनमुडिआ इंकामनिफ्राय बांसिन सम्पति थानायनि केसआव माद्रास हाइकर्टनि फारसेनिफ्राय गिदिर सोमोनांनो गोनां जादों। हाइकर्टआ मन्थि पनमुडिनो रेहाय होनायनि लवार कर्टनि थांखिखौ बोखारना होदों। डिएमकेआ आथिखालाव हाइकर्टनि थांखिखौ सुप्रिम कर्टआव सेलेन्स होनो थियारि खालामदों। डिएमकेनि बुंथिगिरिया बुंदोंदि, कर्टनि थांखिया पनमुडिनि थाखाय मोनसे



सोमोनांथाव जादों आरो बिनि हेंथायै पार्टीआ सुप्रिम कर्टआव थंगोन। डिएमकेनि बुंथिगिरि सरभनन अन्नादरइआ बुंदोंदि,

बे थांखिया सोलोंथाइ मन्थिनि थाखाय सोमोनांथाव जादों। बियो गावनि एमएलए-मन्थिखौ खोमानांनो हागौ। नाथाय गावसोरनियाव सुप्रिम कर्टनि थांखि दड। मख'नो गोनांदि,

माद्रास हाइकर्टआ तामिलनाडुनि गोजौ थाखोनि सोलोंथाइ मन्थि के. पनमुडिखौ इंकामनिफ्राय बांसिन सम्पति थानायनि केसआव दाय जाबसिन्नायनिफ्राय रेहाय होनायनि लवार कर्टनि थांखिखौ बोखारना होदों। करण्णन प्रेभेन्डिभ डिक्टेरेटआ लवार कर्टनि थांखिनि हेंथायै कर्टआव आर'ज गावदोंमोन, जायनि उनाव बे थांखिखौ खोनासंहोनाय जायो। बेजों लोगोसेनो कर्टआ पनमुडि आरो बिनि बिसखौ 21 डिसेम्बरखालि कर्टआव नुजाथिनोबो बिथोन होदों। बेनि सिगां ट्राइल कर्टआ

2023 नि 28 जुनआव खोनासंहोनाय गावनि बिथोनाव तामिलनाडुनि सोलोंथाइ मन्थि पनमुडिनो रेहाय होदोंमोन। मख'नो गोनांदि, बे केसआ 2011 नि। राइज्योआव 2006 निफ्राय 2011 सिम द्रभिड मुनेत्र कडुगम (डिएमके) नि सरकार दडमोन। बे समाव पनमुडि आरो बिनि बिसिनि सायाव 2011 आव जे'ना गोनां महरै सम्पति बुधुमनायनि थाखाय केस होनाय जादों। बे केसआव 100 निफ्राय बांसिन सुबुंफोरनि सायाव नायबिजिरनाय जादोंमोन। दाय जाबसिन्नाय बायदिल्ला मन्थि पनमुडि आरो बिनि बिसिया 1.36 कौटि रॉनिफ्राय बांसिन सम्पतिखौ बुधुमदोंमोन।

पिएम मदिआ लेडाइ हादतगिरिनो फन खालामनानै बिथांखौ असन्मान खालामनायनि सायाव दुखु मोन्नाय फोरमायदों



गोदान दिल्ली, 20 डिसेम्बर: एमपिफोरनि गेजेरजों लेडाइ हादतगिरि जगदिप धनकरखौ असन्मान खालामनाय जाथाइखौ हागाइ मन्थि नरेन्द्र मदिआ दुखुनांथाव होन्ना फोरमायदों। लेडाइ हादतगिरिआ सशेल मिडिया एक्सआव पस्ट खालामनानै गाहाइ मन्थि मदिनि टेलिफन फैंदोंमोन होन्नाइ बुजे। बिथाड माखासे एमपिफोरनि संसदआव गाञ्जियै बिबुंथि होनायनि सायाव दुखु मोन्नाय फोरमायदों। लेडाइ हादतगिरिआ बुंदों, पिएम मदिआ आंनो फोरमायदोंदि, बिथाड थानाय 20 बोसोरनिफ्रायनो बे बायदि असन्मान खालामनायखौ

सहायबोबाय थादों। नाथाय माखासे सुबुंफोरनि गाञ्जि आरखुआ आंखौ होबथानो हानाय नडा आरो आं आनि मावनांगौ बिबानखौ मावलांबाय थागोन होन्ना लेडाइ हादतगिरिआ बुंवावदों। संसदआव जैरेबायदियै लेडाइ हादतगिरिखौ असन्मान खालामदों बे जाथाइनि सायाव हादतगिरि द्रौपदी मुरुआबो सशेल मिडियाआव पस्ट खालामनानै दुखु मोन्नाय फोरमायदों। बिथाड बुंवावदों, बिबाननिफ्राय बोखलाय जानाय दैदेनगिरिफोरा बाश्रा बुंनो थाखाय उदांसि थानांगौ। संसद रैखाथि फेलें जानायनि

सायाव दावराव-दावसि जानायनि उनाव दासिमाव सा 141 एमपिफोरखौ सास्पेन्ड खालामबाय। बे सास्पेन्ड खालामजानाय एमपिफोरनि गेजेराव लकसभानिफ्राय सा 95 आरो राइज्यो सभानिफ्राय सा 46 एमपिफोर दंफायो। गासै एमपिफोरखौ सास्पेन्ड खालामनायनि उनाव लकसभा सेक्रेटरेटआ बे सोद्रोमाफोरनि थाखाय होबथानायफोरनि फारिलाइ थियारि खालामनानै मोनसे सार्कुलार फोसावो। सार्कुलारआव संसदनि खथा' लबि आरो जौसांफोराव बिसोरनि हाबनायखौ होबथानाय जादों।

एमपिफोरखौ सास्पेन्ड खालामनायनि सायाव सनिय्या गान्धीआ सरकारखौ बैरवन्दों

गोदान दिल्ली, 20 डिसेम्बर: संसदनिफ्राय बैरखा दोलोनि एमपिफोरखौ सास्पेन्ड खालामनायखौ लानानै सोमजिनाय दान्थे-बिदान्थे जानाया दासिमबो जोबना थाडाखै बेनि गेजेरजों आथिखालाव कंग्रेस संसदिय दोलोनि आफादगिरि सनिय्या गान्धीआ बे केसआव गिबि खेब फिनजाथाइ होदों। सनिय्या गान्धीआ संसद भवननि संबिजिरारि सदननि सेन्ट्रल हलआव खुंनय कंग्रेस संसदिय दोलोनि जथुमाखौ सोमोन्दो लाखियो। बे समाव बिथाड मिरु सरकारनि थांखिनि सायाव सोंथि दिखाडो। सनिय्या गान्धीआ बे सरकारआ सुबुं खांथिखौ फोजेबसंभाय होन्ना बुजे। बेनि सिगां माल्लाबो संसदनि एसेबां गोबां बैरखा दोलोनि सोद्रोमाफोरखौ सदननिफ्राय बोखलायाखैमोन। बिथाड बुंवावोदि, संसदनि बैरखा दोलोनि सोद्रोमाफोरा थानाय 13 डिसेम्बरआव सरासनस्रा नडै जाथाइखौ लानानै लकसभा आरो राइज्यो सभायाव नख'र मन्थिखौ



मोनसे बिबुंथि होनो दाबि दैखदोंमोन। थानाय 13 डिसेम्बरखालि जानाय जाथाइया निमाहा होथाव नडा आरो बेखौ गाहाम होन्ना गनायना लानो हाया। गाहाइ मन्थिआ बे जाथाइनि सायाव हादतजों सोमोन्दो लाखिदों आरो गावनि सान्नायखौ फोरमायनायाव सानब्रै सम नादों। बेनि उनाव बिथाड बे एमपिफोरखौ संसदनिफ्राय बायजो खालामदों। बेबायदि खालामनानै बिथाड रोखायै सदननि नेम-खांथिखौ सिफायनायनि इसारा होदों होन्ना बिथां सनिय्याआ

बुंवावदों। बे जथुमायाव जम्मु काश्मीरजों सोमोन्दो गोनां माखासे मख'जाथाव बिलफोरा पास जायो। बेनि गेजेरजों जवाहरलाल नेहरुमोन बायदि गेदेमा हादत सिबियारिफोरखौ बदनाम खालामनो थाखाय नाजादों। बेयाव जारिमिनखौ सिफायनानै दिन्थियो आरो बेनि थाखाय बिसोर हाबाफारि सालायबाय थायो। बे नाजानायफोराव गाहाइ मन्थि आरो नख'र मन्थिआ गावसोरनो गाहाइ बिबान सामलायो। नाथाय जों गिनानै गंगलायना थानाय नडा आरो सैथोखौ बुंवाय थागोन होन्ना बिथां सनिय्याआ मिरु सरकारनि सायाव गाग्लोबना बाश्रा बुंदों।

उत्तरखाशी हाग्रायाव गिरखंथाव अर नांनय जाथाइ सोमजिदों

उत्तरकाशी, 20 जिसेम्बर: उत्तरखान्डनि उत्तरखाशी सुबुं सम्पदआव थानाय हाग्राया सिलिखार जायो। बेयाव यमुना आरो गंगा हायेननि हाग्राफोराव बे समाव गिरखंथाव अर नांदों। थानाय हराव बेयाव गिदिर ओन्सोलाव थानाय हाग्राया अरजों जोंब्लावदों। बे हाग्रानि अर नांनयखौ अखा नायै फुंनि समावबो फारफ्रोमथिंजाय उखुन्दै खुनाय नुनो मोन्दों। बे हाग्रायाव अर नांनय हाग्रा सम्पदजों लोगोसे जिब-जुनातफोरनि थाखायबो अलखद गोनां जाना फैंदों। सम-सम गरम बोथोराव हाग्रायाव अर नांनय जाथाइफोरखौ नुनो मोन्नाय जायो। नाथाय बे खेबआव गुसु बोथोरावबो बेयाव गिरखंथाव अर नांनयखौ नुनो मोन्नाय जादों। अतरखाशीनि मुखेम रेन्ज, डुन्डा रेन्ज आरो यमुना हायेननि अपार यमुना हाग्रा बिफाननि हाग्राया खामो। जायजों लाख-लाख हाग्रा सम्पदआ सिलिखार जायो। जायगानि सुबुंफोर बे जाथाइनि सोमोन्दै बुंदोंदि, बे हाग्राफोराव



अर नांनयनि हागाइ जाहोना गामियारिफोरानो। अदेबानि सुबुंफोरा गांसो हानो थाखाय हाग्राफोराव अर लागायना होयो आरो बेनि जाहोनावनो माल्लाबा अरआ गोसार लाडे, जायखौ सामलायनो हाया जायो। बेजों हाग्रानि जिब-जुनातजों लोगोसे खाथि खालायाव थाग्रा सुबुंफोरनि

No.B/CRD/Tender/12270 Dated Kajalgaon the 11/12/2023
TENDER NO. CRD/OL/08 of 2023-24
PRESS NOTICE INVITING TENDER
 The Divisional Forest Officer, Chirang Division, Kajalgaon invites bids for the 02 (Two) Nos. scheme under SOPD Fund for the year 2023-24 for total contract of Rs. 18,00,000/- (Rupees Eighteen lakhs) only under Chirang Forest Division, Kajalgaon from the eligible contractors of Class-II & above category of PWD (Roads) & PWD (Buildings) Assam and BTC, Kokrajhar.
 The details may be seen at the Office of the undersigned during office hours.
N.B.: The bill of the contractor will be paid only after received the fund from BTC.
 Sd/-
 Divisional Forest Officer,
 Chirang Division, Kajalgaon
 IPR(BTC)-2023-24/979

थाखाय अलखद सोमजियो। मख'नो गोनांदि, उत्तरखाशीनि हाग्रायाव अर नांनय जाथाइफोरा बांसिने गोलोम बोथोराव जायो। बेयाव थानाय मार्च दानावबो यमुना हायेन आरो टोन्स हायेननि हाग्राफोराव गिरखंथावै अर नांदोंमोन। जायनि सायाव एप्रिलसिमावबो सामलायनो हायाखैमोन। बेबायदियाव गोबां बिबानि मिथिंगायारि सम्पदफोरा सिलिखार जायो। बेनि अनगायै अर नांनयनि जाहोनाव गोसारनाय उखुन्दैफोरबो सुबुंफोरनि सावस्त्रिनि सायाव गाञ्जियै गोहोम खोखलैयो।

आरपिएसएफ 14 बेटेलियनआव गं 50 विसिना गोनां बैरकनि राह खालामनाय
 इ-टेंडर फोसावथाय नं. 163/डब्लिउ-2/एप्रिलडि। अक्ट: 15-12-2023। गाहायाव फोसावथाय खामानि थाखाय मुसायगिरिआ इ-टेंडर हांखायदों। टेंडर नं. 69-एप्रिल-1-2023। खामानि नुं: निउ कचबिहारआव-आरपिएसएफ 14 बेटेलियनआव गं 50 विसिना गोनां बैरकनि राह खालामनाय। टेंडरनि बैरकन: 3,32,44,350.99 रं। अग्रिम रं: 3,16,200/- रं। टेंडर बन्द जानायनि अक्ट' आरो सभ: 09-01-2024 अक्ट'खालि 13.00 रिगा आरो बेखेब जागोन: 09-01-2024 अक्ट'नि 15.00 रिगा। गोजोयाव मख'नाय इ-टेंडरनि टेंडर लाइजों आवु फोसायथिखौ www.treps.gov.in बेवसाइडआव मोन्नो हागोन।
 डिभायस (डब्लिउ), आलिपुस्तार बंजन सा-सान्जा सिमना रेलवे
 "मिस्त्रिये ग्राहकगोखै सिबिनाय"

पन्मुखौ बुथारनाय केसआव पिएम मदिआ गिबि खेब बिबुंथि होदों

गोदान दिल्ली, 20 दिसम्बर: भारतनि हागाइ मन्थि नरेन्द्र मदिआ बुधवारखालि फाइनेन्सियेल टाइम्सजों लोगोसे मोनसे इन्टरभिउ होदों। बे समाव पिएम मदिआ आमेरिकायाव सासे भारतआरिखौ बुथारनो खेसार सानायनि दाय जाबसिन्नायनि सायाव फिन्नाय होनाइ बुडोदि, जोंनो जुदि माबाफोर खौरां होयोब्ला जों रोखायै बेनि सायाव नायबिजिरगोन। जुदि जोंनि सोखा नोगोरिया माबाफोर गाजि एबा मोजां हाबा मावदोब्ला जों बेनि सायाव बिजिरनो थाखाय थियारि। मिथिनो मोन्नाय बायदिब्ला, पन्मुखौ थांनाय 2020 नि 1 जुलाइयाव भारत सरकारआ उतरखारि महरै फोसावो।



एनआइएनि नाइबिजिरनायाव मिथिनो मोन्नाय बायदिब्ला, बियो गोखौं नेमखान्थिखौ सेलेन्स होनाइ पान्जाबाव थांनाय गेग स्टार आरो लाइमोनफोरखौ खालिस्ताननि थाखाय दावहा नांनो थाखाय थुनजलायो। पन्नुआ थांनाय 2019 निफ्रायनो एनआइएनि नोजोराव दड। जेब्ला

होबथाया एजेन्सिआ बिनि हेंथायै गिबि खेब के स थिसनदोंमोन। बेनि गेजेरजों गाहाइ मन्थि मदिआबो उतरखारिफोरनि हाबाफारिखौ लानानै जिंगा सिनाय फोरमायदों। फाइनेन्सियेल टाइम्सनि रिपर्टनि बायदिब्ला, बियो हिंसायारि जाथाइ सोमजिनायाव नांथाबनानै

दड। पिएम बेनि सोमोन्दै बुबावदोंदि, आं सानो माखासे जाथाइफोरखौ दरनै हादतफोरनि राजखान्थियारि सोमोन्दोजों सरजाबनाया मोजां नड। थांनाय मे दानाव गाहाइ मन्थि मदिआ हादतगिरि ज' बाइडेन आरो गिबि आइजो जिल बाइडेननि ख I V ल I य न I य I V राजखान्थियारि दावबायनो थाखाय आमेरिका दावबायदोंमोन। बेनि उनाव बाइडेनआ थांनाय सेप्टेम्बर दानाव भारतनि दैदेन्नाय गोदान दिल्लीआव जानाय जि-20 शिकर जथुमायाव बाहागो लानो थाखाय भारतआव फेदोंमोन।

ममता बेनार्जिआ मन रेगा फान्दखौ लानानै गाहाइ मन्थि मदिजों लोगो हमदों

गोदान दिल्ली, 20 दिसम्बर : सोनाब बंग'नि गिबि मन्थि ममता बेनार्जिआ 4 साननि दावबायनायाव रबिबारखालि दिल्लीयाव सौहेंदों। बे हाबाफारियावो बियो दिने गाहाइ मन्थि मदिजों लोगो हमगोन। गाहाइ मन्थिजों लोगो हमनो थाखाय बिनो 20 दिसम्बरनि समखौ होनाय जादोंमोन। एजेन्सिनि बायदिब्ला सोनाब बंग'नि गिबि मन्थि ममता बेनार्जिआ रज्ज्योनि एरियारखौ फोसावनायनि दाबियाव बाथा सावरायनो थाखाय 20 दिसम्बरखालि गोदान



दिल्लीयाव गाहाइ मन्थिजों लोगो हमगोन। खौरां मोन्नाय बायदिब्ला ममता बेनार्जिआ दिने एबा बुधवारखालि फुंनि 11 रिगायाव संसदआव पिएम मदिजों लोगो हमनो सम मोन्दोंमोन। कलकातानिफ्राय

ओंखारलानायनि सिगां एयारपर्टआव खौरांगिरिफोरनि सिगाइव बुंदोंदि, गाव सोनाब बंग'नि थाखाय मिरुआर फान्दखौ फोसावनायनि दाबिखौ लानानै पिएमजों लोगो हमगोन। मख'नो गोनादि, बेनार्जिआ बे

सप्ताहनि जागायजेनायाव दाबि दैखादोंमोनदि, मिरुआ मन रेगानि गेजेरजों सोनाब बंग'नो 1.15 लाख कौटि रोखौ हरनांगो। गाहाइ मन्थि मदिजों लोगोसे जानो गोनां जथुमायाव ममता बेनार्जिजों लोगोसे सा 10 एमपिफोरनि डेलिगेशनआबो थागोन। बेवहाय साबा एमपि, डेलिगेशनआव टिएमसिनि गाहाइ सेक्रे तारि अभिसेख बेनार्जि, सुदिभन्दाध्याय, चौगत राय, डेक अ ब्राइन, प्रकाश शिक बराइक, काकलि घष, सताब्दि राय, साजदा अहमद, प्रतिमा मन्डलनि मुख दंफायो।

सारपेन्ड खालामजानाय एमपिफोर मारवासे होबथाजानायजों भुगिनांगोन




गोदान दिल्ली, 20 दिसम्बर: लकसभा सेक्रेटारिएटआ सारपेन्ड खालामजानाय एमपिफोरनि थाखाय फारिलाइ फोसावदों। जेराव एमपिफोरखौ बबे-बबे बिथिडाव होबथागोन बेखौ मख'नाय जादों। बेयाव

एमपिफोरनि संसद खथा, लबि आरो जौसांफोरव हाबनायखौ होबथागोन। फारिलाइनि गेजेरजों फोसावनाय बिथोनफोरनि बादिब्ला, एमपिफोर चेम्बरा, लबि आरो गेलारिआव हाबनो हानाय

नडा। बिसोरखौ संसदीय कमिटिफोरनि जथुमाफोरनिफ्राय सारपेन्ड खालामनाय जादों। बिसोरनि मुडाव फालांगिनि फारिलाइयाव जेबो आइटेम लाखिनाय जायाखै। सारपेन्ड खालामजानाय एमपिफोर होनाय जायखि-जाया नटिसखौनो गनायनाय नडा। बिसोर गावसोरनि होबथाजानाय समाव जानो गोनां कमिटिफोरनि बिसायख'थिफोरव भट होनो हानाय नडा। जुदि जर'खा जथुम्मानि थाखाय सदननि सिबिथायनिफ्राय सारपेन्ड खालामोब्ला बिसोर

होबथाजानाय समनि थाखाय जेबो मोन्थाय गैया। मानोना डिउटिनि जायगायाव बिसोरनि थानायखौ आर्टिकल 2 (डि) नि गेजेरजों डिउटिआव थानाय महरै गनायनानै लानो हाया। लकसभा सेक्रेटारिएटनि गेजेरजों फोसावनाय सार्कु लारनि बादिब्ला, गुरजित सिं, सुप्रिया सुलेजों लोगोसे माखासे एमपिफोरखौ सारपेन्ड खालामदों। बेनिथानयो सारपेन्ड खालामजानाय एमपिफोरखौ गोबां हाबाफारिनिफ्राय आलादा खालामनानै लाखिनाय जादों।

केरेलानि उनाव आथिखालाव महाराष्ट्र आरो गवायाव जेएन.1 भेरियेन्टनि केस नुजाथिदों



गोदान दिल्ली, 20 दिसम्बर: थांनाय 11 दिसम्बरखालि हादतआव करनानि गासै एक्टिभ केसआ सा 938 मोन। नाथाय थांनाय मंगलबारखालि एबा 19 दिसम्बरसिमाव बे अनजिमाया बांनानै 2000 रोजानि खाथियाव सौहेंदों। अदेबानि 9 साननि गेजेरवनो करना केसआव 2 गुन बांदों। केरेलायाव करनानि भेरिएन्ट

जेएन.1 मोन्नायनि उनाव एक्टिभ केसआव बांदों। बे गासैनिबो गेजेरजों जेएन.1 नि सा 9 बेमारिफोर मोनो। जायफोरनि गेजेराव सासेआ महाराष्ट्रनि आरो गुबुन सा 18 खौ गवानिफ्राय मोन्नाय जादों। खौरांनि बायदिब्ला आमेरिकाजों लोगोसे जाय हादतफोराव करनानि केस


नुजाथिदों बिसोरनि थाखाय बे भेरियेन्टआ दायनिगिरि। टाइम्स अफ इन्डियानि रिपर्टनि बायदिब्ला, आइएमएनि क' चेयारमेन डा. राजिभ जयदेभनआ फोरमायदोंदि, जेएन.1 भेरियेन्टनि जाहोनाव सोनाबारि हादतआव करना के सआ बांदों। करनानि के सआव बांनयखौ 10 साननि गेजेरावनो नुनो मोन्नाय जादों। नाथाय बेनि थाखाय जों गोहोम गोनां टेस्टिनि सायाव नोजोर होनांगोन। केरेलायाव बावैसो समाव सासे बेमारिनि जिउ गोमायो। बेनि थाखाय करनायाल दायनिगिरि नडा। मानोना सिगांनिफ्रायनो बेनि

गुबुन मोनसे बेमारजों बुगिनांदोंमोन। बेरा फारसे गवानिफ्राय जेएन.1 नि जाय सा 18 केसआ नुजाथिदों, बेयो बावैसो समाव फिल्म फेस्टिभेलनि जाहोनाव नुजाथिदों। फारसेथिं महाराष्ट्रनि मोनसे केसआ गवानि सिमना खाथिनिफ्राय फेदों। भारतआव कभिड के सआ गुसुनि जाहोनाव नुजाथिदों। मुम्बाइनि बिस्वनाथ के यार फाउन्डेशनआव रिसार्च खालामग्रा भिनद सकारियानि बायदिब्ला जेएन.1 आ सन्देखा भंसनि। बेखौ थांनाय आगस्ट दानआव बिए 2.86 खौ नाइबिजिरनाय समाव सिनायथिदोंमोन।

तामिलनाडुआव गिखंथाव अखा हानायजों सा 10 सुबुंफोरा थैदों

गोदान दिल्ली, 20 दिसम्बर : तामिलनाडुनि खोला फारसे थानाय माखासे जिल्लाफोराव थांनाय 2 सानफोराव दासिमनि जारिमिननि बयनिखुइ बांसिन अखा हादों। बेवहाय सा 10 सुबुंफोरा जिउ खोमानांदों। बे अखा हानाया सरसन्सा सुबुंफोरनि सायाव गाजि रोखोमै गोहोम खोखैदों। फारफ्रोमथिबो दै बानानि दैया लोमसावदों। एजेन्सि पिटिआइनि बायदिब्ला, गाहाइ नेहाथारि शिभदास मिणाया मंगलबारखालि बुंदोंदि, खोला जिल्लाफोराव जर'खायै तिरुनेलभेल्लि आरो तुति करिआव रेकर्ड गोनां अखा हादों आरो दैबाना जादों। 30 घन्टानि गेजेराव खयालपट्टिनमआव 1,286 एमएम अखा हादों, जेराव

तिरुसेन्दुरआव 921 अखा हादों। बियो बुंदोंदि, सा 10 थैनाय सुबुंफोरा बे दरनै रज्ज्योनिनो माखासे सुबुंफोरा इन्जुर गोगलै सिन्नायनि जाहोनाव थैदोंब्ला माखासेया मोब्लिब बोजानानै थैदों। मिणाया बुंवावदोंदि, नेभिफोर, अखांमा सान्थि हान्जा, ए न डि अ र ए फ , एसडिआरएफजों लोगोसे मिरु आरो रज्ज्यो सरकारनि एजेन्सिफोरनि गासै 1,343 मावसुमाफोरा रैखाथि अभियानआव नांथाबदों। दासिमाव गावसोर 160 रैखाथि बादाखौ गाइसदों। बे रैखाथि बादायाव गासै 17,000 सुबुंफोरखौ दोन्नाय जादों। दासिमबो गावसोर माखासे



गामिसिम सौहेंदो हायाखै। मानोना बेवहाय दैनि थाखोया बाडाइ जायाखै। नेहाथारिया बुंदोंदि, रैखाथि होनाया गं 9 हेलिकप्टरखौ बाहायनाय जादों आरो बेनि गेजेरजों थाबथानानै थानाय सुबुंफोरनिसिम 13,500 किल ग्राम जाग्रा आदारफोरखौ दैथाइहरनाय जादों। खोला तामिलनाडुआव तुतुकुदिनि खाथियाव गिखंथाव दैबाना

सोमजिनायजों गोहोम गोगलैनाय श्रीभेकुन्टमआव थाबथानानै थानाय गासैबो 809 रेलनि दावबायारिफोरखौ मंगलबारखालि दिहुनाय जायो। गिबियाव बिसोरखौ बासजों भान्सी मिनियाच्चि रेलवे स्टेसनआव लांनाय जायो, जायनिफ्राय बिसोरखौ जर'खा ट्रेनजों चेन्नायाव लांनाय जागोन।

संसदनि रैखाथिनि गोरोन्थियाव दासिमाव सा 141 एमपिफोरखौ बिबान एंगलायनाय जाबाय

गोदान दिल्ली, 20 दिसम्बर : संसद रैखाथिनि गोरोन्थियाव दावराव-दावसि जानायनि उनाव दासिमाव सा 141 एमपिफोरखौ बिबान एंगलायनाय जाबाय। बे बिबान एंगलायजानाय एमपिफोरनि गेजेराव लकसभानिफ्राय सा 95 आरो रज्ज्यो सभानिफ्राय सा 46 एमपिफोर दंफायो। साफ्रोमबो एमपिफोरनि बिबान एंगलाय जानायनि उनाव लकसभा सेक्रे टारिएटआ बिबान

एंगलायजानाय सोद्रोमाफोरनि थाखाय होबथाजानायनि सिमनाखौ थियारि खालामनानै मोनसे सार्कु लारखौ फोसावदों। सार्कु लारआव संसद रुम लबि बायदियाव बिसोरनि हाबनायनि सायाव होबथानाय जादों। बिसोरखौ समितिनि जथुमायाव बाहागो लानो, नटिस फोसावो आरो समितिनि बिसायख'थिफोरव भट होनो होबथादों। फारसेथिं एमपिफोरनि लांथियै बिबान



एंगलायनायखौ लानानै आथिखालाव जया बचननि बिबुंथियावो सोराइव फेदों। गुबुन फारसेथिं जगदिप

धनकडुआ बुंदोंदि, दिनेनि सानआ गोबां जिंगा सिथावना जादों। गाव गवानि बिबुंथिखौबो होनो हायै बायदि जादों।

संसद रैखाथि बिथिडव फेलें जानाय केसनि सायाव जयराम रमेशआ बिबुंथि होदों

गोदान दिल्ली, 20 दिसम्बर: संसदनि रैखाथियाव फेलें जानाय आयदानि सायाव बुधवारखालि कंग्रेसनि गाहाइ नेहाथारि जयराम रमेशआ बुडोदि, लकसभायाव जानाय रैखाथियाव फेलें जानाय जाथाइआ से सप्ताह जालांबाय। बे गिखंथाव जाथाया गासै हदतखौनो गोमो होदों। गाहाइ मन्थि, नख'र मन्थि आरो लकसभा आफादिगिरिनि बुंनाय बायदिब्ला बे के सखौ नाइबिजिरनाया जागायबाय। नाथाय 7 साननि उनावबो बिजेपि एमपि प्रताप सिमहाआ लकसभायाव सानै दायनिगिरिफोरखौ हाबहोनायाव मदत खालामदों आरो बिसोरनाव



दासिमबो जेरा सेबाखै। बिथाइ बियो जोबोद गोब्राब थासारि होन्ना बुंदों। मानोना दायनिगिरिफोरनि सायाव उतरखारि होबथानाय आयेन इउएपिएनि गेजेरजों दाय जाबसिन्नाय जादों। बेनि गेजेरजों थांनाय 13

दिसम्बरआव जाथाइनि सायाव संसदआव नख'र मन्थिनि थौंजोडै बिबुंथि होनो दाबि दैखानायनि सायाव इन्डियानि सा 142 एमपिफोरखौ सारपेन्ट खालामो। बे सानखालि मनरन्जन डि आरो सागर शर्माआ लकसभायाव

कलार केन्ट खुलिनानै गोमो गाबनि गेस हगारदोंमोन। पुलिसआ बे के सआव इउएपिएनि गेजेरजों के स थिसदों। आथिखालाव बे के सखौ नाइबिजिरगासिनो दड। बे जाथाइनि सोमोन्दै फालियामेन्ट स्ट्रीट पुलिस स्टेसनआव एफ आइआर थिसनो। बे जाथाइनि उनाव सरकार आरो बेरेखा दोलोनि गेजेराव दान्थे-बिदान्थेआ सोलिगासिनो दड। बेनि गेजेरजों बेरेखा दोलोआ खनले-खनले जाथाइनि सायाव मिरुआरि मन्थि अमित शाहनि बिबुंथिखौ दाबि दैखांसिनो दड।

No. TBDB/WPT&BC/07/2022-23/923

Dated, the 19th Dec., 2023

As per instruction of the Addl. Director Cum CHD, TA (P) Dept., BTC, Kokrajhar, after getting Administrative Approval from the Secretary, BTC Kokrajhar, the office of the BDO, Tihu-Barama Dev. Block, invites bids and take steps for initiating in short notice in inviting tender process only from Govt. registered Contractors/Firm of appropriate class with sound financial background fulfilling the eligibility criteria for execution of different work/ schemes as details shown in the particulars in the office board also. Details may be seen at the office notice board / office of the undersigned during office hours.

SHORT NOTICE INVITING TENDER

Sealed tender affixing a non-refundable court fee stamp of Rs.8.25 (Rupees Eight & paise twenty five) only eventually to be drawn in APWD, F-2 Form are invited from Govt. registered contractor / Firm of appropriate class with sound financial background fulfilling the eligibility criteria for execution of the different works as details shown in schemes . Particulars, Terms & Conditions and tender paper may be obtained from the office of the undersigned on any period mention working day on payment of non refundable fee of Rs.400.00(Rupees four hundred) only in cash for each act of tender paper.

Period of collection of Tender documents	To be obtained from the office of the B DO Tihu-Barama on any working days/ hours upto 4.00PM from 21/12/2023 to 11/01/2024				
Last date and time for submission of tender	Sealed tenders in prescribed format for every individual work will be received by the office upto 1.00 Noon on 11/01/2024				
Date & time of opening of tender	The sealed tenders will be opened at 2.00PM on 11/01/2024				
Name of Works	Sl. No.	Name of Schemes	Approx. Value of Work (Rs.)	Earnest Money (1% for SC/ST (2% for others)	Time of Completion
	1	Improvement of Sabhagarh attached to 1 No. Murkuchiapara, Uttar Khanaliapara Supa Namghar, VCDC Merkuchi under Speaker's Discretionary Fund BTR for the year 2023-24	Rs.11,66,000.00	Rs.11,660.00	60 days
	2	Repairing of Wooden Doors and Windows Grill at Khwirabari Anchalik Sarania Kachari Library, VCDC-Merkuchi under Speaker's Discretionary Fund BTR for the year 2023-24	Rs.4,34,000.00	Rs.4,340.00	60 days
Approx (Estimated) Value of the work	Shown in the Scheme list				
Earnest Money	The Contractors / Firms have to enclosed 2 % Earnest money for other category & (196 for ST/SC) contractors with the tender paper as shown in the Scheme list. Moreover, 0.03% Tender cost will be deposited as bank draft in favour of Principal Secretary, BTC, Kokrajhar.				
Time of Completion	Shown in the Scheme list				
Eligibility Criteria (Minimum)	The Contractor should have the experience of having successfully completed similar works during the last 5 years.				

The tender / tenderers must be submitted with the requisite Earnest Money Deposit (EMD) in the form of deposit at call / Demand Draft to be drawn in favour of the BDO, Tihu-Barama Dev. Block payable at Barama. Tender not accompanied by the Earnest Money Deposit (EMD) is liable to be rejected.

Sealed tender in the prescribed tender form shall be addressed to the Block Dev. Officer Cum Chairman, Tender Committee, Tihu -Barama Dev. Block, Barama, Dist.-Baksa, P.S.- Barama, PIN-781346, Assam. Tender received after above date & time will not be accepted. The undersigned reserve the right to issue the tender papers to the tenderers and to accept or reject/ cancel any or all the tenders if the situation compel to do so without assigning any reason thereof and DOES NOT BIND HIMSELF TO ACCEPT THE LOWEST QUOTED RATE OF TENDER.

UNSEALED TENDER WILL SUMMERILY BE REJECTED.

Sd/- Block Dev. Officer Cum Chairman,
Tender Committee,
Tihu-Barama Dev. Block, Barama

IPR(BTC)-2023/2981

क्रिसमासखौ जर'खायै फालिनो हास्थायदोँब्ला माखासे जायगाफोरखौ मिबथिना लानो हागोन



डिसेम्बर दानआ बोसोरनि औरैबायदि दान जायो जेव्ला माखासे अफिसफोरव क्रिसमासनिफ्राय लानानै निउइयारसिमनि सुट्टिखौ मोन्नो हायो। नाथय जुदि नोंथाड बै सुबुंफोरनि गेजेराव सासे जायफोरा गोलाव समनि अनगायै सानसेबो सुट्टि मोन्नो हायाब्ला बे खेबआव 25 डिसेम्बर एबा क्रिसमासनि फेस्टिभेलआ समबारखालि गोपलैदों, जाय मोनसे गोलाव सप्ताह। बे सानखालि बेरायनो थाखाय गोबां मोजां थासासिखौ मानिनाय जायो। नोंथाड शुकुबारखालि अफिसनिफ्राय ट्टिपनि थाखाय ओंखारलानो हागोन। बेबायदियाव नोंथाड गावनि डेस्टिनेशनखौ सायख 'नानै लानोबो हागोन।

गवा: गवायाव अराय सम जोंगा-मागा थासासिखौ नुनो मोनो। नाथय डिसेम्बर दानाव बांसिन समाइना

थासासिखौ नुनो मोनो। बेवहाय बे दाननि जागायजेन्नायनिफ्रायनो गोबां गोजान गोजानिफ्राय दावबायारिफोरा फेयो आरो गोदान बोसोरनि उनाव थाफिनो। गवानि बिचआ हरनि समाव गोबां आलादा जायो। लोगोसेनो बेवहाय क्रिसमासखौबो दोहौ गोनाडे फालिनाय जायो। क्रि समासआव बेवहायनि सारसि अनगायै लामाफोर आरो बिल्डिंफोरावबो गाब गोनां लाइटफोरजों साजायनाय जायो, जेराव बेवहायनि समाइनाखौ बांहोयो।

पान्डिचेरि: पान्डिचेरिखौ भारतनि लिटिल फ्रान्सबो बुंनाय जायो। मानोना बेवहाय गोबां समसिम फ्रान्सफोरनि खुंथाया सोलिहोदोंमोन। बेवहाय इशाइ सुबुंफोर गोबां दड; जायनि जाहोनाव क्रिसमासनि जोंगा-मागायाबो बाडे। नोंथाड क्रिसमासनि गोलाव सप्ताहयाव बेवहाय फेनायनिबो

थांखि लानो हायो। बेवहाय बेरायनो गोबां मोजां जायगाफोर दड।

के रेला: के रेलाया बांसिन भारतीयफोरनि फेभरिट डेस्टिनेशन। जेराव थांनो थाखाय सुबुंफोर थांखि लायो। जुदि नोंथाडबो गोबाव समनिफ्राय बेवहाय थांनो थांखि लायोब्ला बे खाबुआ नोंथांनि थाखाय साबसिन जानो हागौ। बेवहाय बांसिन इशाइ धोरोमनि सुबुंफोर थायो, जायनि जाहोनाव गासैबो सारसआव नोंथाड बे फेस्टिभेलनि जोंगा-मागा नुनो मोनगोन।

सिक्किम: नर्टइस्टनि सिक्किम राज्यायावबो नोंथाड क्रिसमासनि फेस्टिभेलखौ इन्ज खालामनो हायो। सिक्किमआव डिसेम्बर दानाव गोबां गुसु जायो। नाथय बे बोथोराव गोबां जायगाफोराव बेरायनो थाखायबो मोजांसिन जायो।

रंजालि गथ'फोरनि सौरा

आंनि सोदोब आरो हां गजल खन्थाइ

-अनजालि सर्गियारि
बाक्सा

मानिबा सोदोब
नागिरना मोनाखै आं
खोनायोले' गोमखानाय खोमा साजों
आंनि हांआ मानोबा थाबथाहां थाबथाहां
मानोबा थद' थद'
गोरबो इर्सिनि रावखौ मानोबा
फैसालि जोख्लोबनायनि उनाव नागिरना मोना
गारबोनाय बिस्मबिनि बिलिरनायाव
दख'ना दौबानि लाजिनाय
हसारनाय खानाय बिलाइनि मोदोमनाय
मानोबा खांसोर खांसोर मोनखंडो
पुष मास हाबनायनि उनाव
सुहाबनाय मोदोमखौ लाना
जेव्ला आं हारसिंथे सलादें जाना दंमोन
अबोला आबैनि फोननाय हिस्सिमाजों आं
हान्थु मावग्लुनाय सोलेर लाना
मोनसे फिसा सिमानि दामोल जमायदों
बे सिमांखौ मोखथांआव फिसिनो
आं गोजांनय सोलेरखौ राफोद खालामना
आं गावनो आवगायदोंमोन
बै सिमानि उनाव आं खारनो
अब्ला जेथोजों नांथानाय
मोनसे लामा जाय लामाया जेंसिजों आबुंमोन
बेखौ सौसि सौसि आं नाजानायाव
सिमांआ आंनि आद्रा जाना थादों
बेबादिनो दा गारबोनाय बिस्मिबाय
आंनि सोदोब आरो हांल' जाना दं।

-रैदोम बर'
माजदिया, बगुलामारि, बाक्सा

नों माला माला बिलि मोनो
बिदि खन्थाइ रेबबाय थानो
जोंथ' मोना माथो
खन्थाइ रेबनो बिलिखौनो
आरो नोंहा मालाय थालिम जाबाय
हरदम बिलियाव रेबोखायनो
लामा सामाबाबो
गोसोखांबानो रेबनो

नोंखौ आं गोसो थोबाय
-बिरनजय मोसाहारि
दांथ'ला, गहपुर

बुहुम बिखानि गोथां जिउमा
नोंदि अनख' अनसुलि,
जिउ जिबिनि बिगोमा
बोथोरनि दारै नोंदि गुस्तायसुलि।
सुबुं सोलेरनि सा इसारा, सिं सानथौ
नंखायसो नुनायमानि गासैबो,
नोंसो बिलायो गोबोंजों अननायखौ
जेसेबां नांगौ एसेबांनो हायो।
खंखला आंनि गोबोंआ मोनफ्रोम ख'नानिफ्राय
नोंनि गोथार अत्रायजों आबुं दिने,
उदां आं मोनफ्रोम दाहानिफ्राय
गोबोंजों नोंखौ मोजां मोननानै।
नुनाय सिमाड आंनि दिने जाफुंबाय,
आय' हायनारि मिथिगा, नोंखौ आं गोसो थोबाय।

सुंद' सल'

थरायना बबिता गयारी

मानिसिया जिउआव बयबो गोजोन खुसि थानो लुबैयो। नाथय गोसोनि हास्थायनाय मेगननि नोजोरारबो बोखानो हाया। मेगननि नोजोरानो खालामो मानसिनि गोसोखौ जावलिना। खालि पुजानि दिन जों बयबो सिख्लाफोर गोजा लोगो जानानै पुजायाव थांबाय खावसेया देन्स नायबाय खावसेया मेलायाव बेरायथं बायबाय। बेरायबाय थानाय समावनो मैनाखौ बनिबा सासे सेंग्राया थफि बख लायना लोगोफोरनि उनाव थाखोमा-थाखोमा एदावबाय। बिनि एकथिंखौ नुनानै मैनायाबो बे सेंग्राखौ एदाव हरफिनबाय। एदावखानायनि उनाव मैनाया लोगोफोरखौ गेला-मेला दखानाव लिंनानै लांबाय दखानाव बायदि बेसाद बायनो थांनय समावनो मैनाखौ एदावनाय सेंग्राखौबो हारसिडे बेरायबाय थानाय समावनो आरोबाव मोखांजों मोखां लोगो मोनफिनबाय गिबियावनो बे सेंग्राया गोदें रावजों माथो होबाय। बहा थांनो जारौ मोनहा होन्नानै बुंबाय मैनाया फिनहरबाय 'अ' आदा जों बै गेला-मेला दखानाव थांहांदों, फे आदा नोंबो जोंजों थांफानोबा होन्ना मैनाया लिंबाय बिबो थांबाय। मा बायनो जारौ होन्नानै सोंबाय अ, आदा आं लाभ बेलुन बायनो नागिरदों। हायोब्ला नों लाभ बेलुननि बेसेनखौ खमायना हो आदा जागोन जारौ नों मा सिन्था खालामदों नों नोंनि नोजोरजों बासिनानैल' लाना आं नोंनो बेसेनखौ खमायनानै हागोन। बेलुनखौ बायखांबाय, बायखानायनि उनाव बे सेंग्राया मैनानि नामखौ सोंबाय, जारौ नोंनि मुझ मा आरो नों बबेनि, मैनाया फिनबाय आदा आंनि मुझ मैना आं हाथिनापुरनि बिदि होन्नानै मैनाया गावनि एद्रेसखौ बे सेंग्रायो होबाय। मैनायाबो बेखौ सोंबाय आदानि मुझलाय माथो आरो नों बबे गामिनि बियो खिन्थाबाय अ' मैना आंनि मुझ खोरोम आं चेलमारिनि बिदिनो खोरोमाबो मैनानो एद्रेसखौ होबाय, एद्रेसखौ होखानायनि उनाव नआव फेनोसै समाव खोरोमा मैनानो जुलापि पयासे बायनानै मैना थथ' न' नैबे जुलापि खौबो लांफा होन्नानै खोरोम मैनाखौ माथो होनानै हरबाय। नआव फेखानानै मैनाया खोरोमखौ गोसो खांबाय थानाय जाबाय। जानायनि-लॉनायनि भावनायनि-दंनयनि मैनानि गोसोआव खोरोमनि महरा जाफुं होदोना मैनानि लोगो बबिता आरो पुजाया बुंबाय मैना नोंलाय दा बहा लोगो मोनबावनो फेगौ जानुवारी मार्स 5 अक्ट समबारनिफ्राय रुफियाव साहित्य सभा जागोन। बेवहायनो खोरोम थांखागोन बावहायनो नों लोगो हमनो हागोन आरो नों गोसोनि बाश्राखौ फोरमायनो हागोन।

बिदिनो थाडे-थाडे गोबां सम थांबाय दिने साहित्य सभायाव बयबो लोगोफोरानो थांनो ओंखारबाय साहित्य सभायाव खोरोमखौबो लोगो मोनहैबाय माथो होन्नायबाय। खोरोम बेसेबांथो गोबाव जाखो अ' बारा गोबाव जायाखै नै दासो फेना बायेगखो दोननाल दासो बेराय जेनदों। नोंसोरलाय बेसेबांथो गोबाव जाखो जोंबो बारा गोबाव जायाखै नोंसोरनि एसेल'सो

सिगां जाफैबाय, अ' बिदि सोंखानाय मैना आरो खोरोमनि खुगानिफ्राय जेबो रावआनो ओंखारलिना मैनाया दखना रुबिखौ खेबलु-खेबलु थाबाय थाबाय आरो खोरोमाबो सासु-मासु जानानै आर्थिनि आसि बब्राजा जों हाग्राखौनो एरखुबाय थाबाय। सानैबो बिबो मोखाडव नायोबा बिबो मोखाडव नायो मिनियो, खोरोमा बुंबाय। मैना थौ बै साहा गलायाव थांनि मानोथो गसंलाबायना थानो। थौ बिदिब्ला होनना साहा गलासिम थांबाय गासैबो ज' जिरायबाय साहा रानग्रानाव बायदि जाग्रा बेसाद बिहरनानै लाबाय।

खोरोमा बुंबाय मैना नोंहा सोरबा मोजां मोन्नाय दं नामा मैनाया मिनिस्तु जानानै बुंबाय आदा आंहा रावबो मोजां मोन्नाय गैया नोंहालाय आदा सना आंहाबो रावबो गैया।

बिदिब्ला मैना आं नोंखौ जिउ आंगोनि अनजालि खालामगोन। सना नों गनायगोना, दसे सिरि थाहाबना मैनाया जागोन आदा होन्नानै बुडे। बिदिब्ला आं नोंखो दिनेनिफ्राय गोथार गोसोजों मोजां मोनबाय आइ लाभ इउ मैना आरो मैनायाबो आइ लाभ इउ स मास खोरोम। बे दिननिफ्रायनो मैना आरो खोरोमनि गोसोआ मोनसे गोथार गोसोजों मोजां मोनज्जायबाय। खोरोम मैनानो मबाइल नाम्बार होबाय आरो शकुबार खालि आनान्द बाजारवा लोगो हमनो खिन्थाबाय मैनाया बुंबाय जागोन। खोरोम आं नोंखौ लोगो हमनो थांगोन। मैनाया साननैसोनि उनाव आनान्द बाजारवा खोरोमखौ लोगो हमनो थांबाय बाजारबो मोनबेबाय साइकेलखौ दोननो थाखाय बियो स्टेनखौ खोख्लैहां जानायावनो खोरोमखौ नुबाय माथो होन्नायबाय बिनिफ्राय खोरोमा फट' स्टुदियाव लिंनानै लांबाय सानैबो आखाइ हम्ज्जायनानै दिखां जाबाय। मैना मोनहा जेनिबो अभाब गैया बिफाया अफिसार आरो बिदायाबो आर्मि जानाय-लॉनाय, गान्नाय-जोमनायनि जेबो सिन्था गैया। नाथय खोरोममोनहा मैना मोननि बायदि अबस्था नड हा दं जानो मिलायो नाथय बाहिरा खरच दिनुनो थाखाय राहा गैबाड नखरनि फासं साननै खोरोमा साखि नागिरबायनानै गावनि फरायनायखौ नागरना लाबाय। मैनाया सानसे खालि खोरोमनो पन हरबाय बायदि बाश्रा रायज्जायबाय मिनियाय। बिदिनो दिनेबो हरो गोबांनोबो हरो बिसोरनि मोजां मोनज्जायनाया बारानि सायाव बारा जाबोबाय। मैनाया जेराव नो लोगो हमनो थिनो बेवहायनो खोरोमा लोगो हमनो थाडे सानसेबो फेमाल खालामा।

सानसे खालि सिब पुजानि दिन सिब पुजायाव मैना मोनहाबो थांबाय आरो खोरोमाबो थांबाय। पुजायाव गासिबो ज लोगो मोनहैबाय मैनाया बुंबाय खोरोम थौ जोंहा सानैबो बै सिब मन्दिरखौ आखाइ खबजवनानै आरज गाबैनि खोरोम थौ बिदिब्ला होन्ना सानैबो सिब मन्दिरसिम थांबाय सानैबो धुप-धुना सावनानै सानैबो खबजवनानै खुलुमखाना फेबाय। खोरोमा मैनाखौ सोंबाय स'ना नों मा होन्नानै आरज गाबनाय सना, अ आडे, खोनासं खोरोम हे इसोर बाबा सिब खोरोमानो आंनि गिबि मोजां मोन्नाय जोंनि मोजां मोनलायनाय अराय सम जोरनानै थाबाय थथं।

जोंनि मोजां मोनलायनायखौ जाफुंहोथार हे इसोर बाबा सिब जाफुंहोथार हे इसोर जाफुं होथार। बिदि होन्नानै आरज गाबदों आं खोरो, नोंलाय खोरोम सना नों जेरै बिदों आंनो एरैनो बिदों सना नों आंनि जिउनि दाव मैना सना बिदिब्ला नों आंखौ फोथाय खेबस खालामाथ सना खालामा आदा बिदिब्ला जोंनि गोथार मोजां मोनलायनायव बै सिब मन्दिरखौ

जारिमिन

साखि दोनबाय सना जागोन आदा नों आंनि जिउनि मोदाया बेफोर बायदि समायखिरा लाखानानै लोगोफोरजों ज ज बेराय खानानै जेबो नायालासिनो नआव फेनोसै समाव खोरोमा मिथाय बायनानै मैनानो होबाय पुजानिफ्राय फेनानै लामा ससेआव मैनाया नोंबो जादो न नों बायनाय मेथायखौ होन्नानै होबाय खोरोमाबो जाबाय गावसोरबो राननानै जाबाय मेथायखौ जाखानानै मैनाया गावनि रुमालजों खोरोमनि मेथाय जानाय आखायखौ हुगारनो होबाय खोरोमाबो हुगारबाय हुगारबायनानै मैनानो रुमालखौ ह र फि न बा य। खोरोममोनहाबो नआव थांबाय मैना मोनहाबो नआव फेबाय। खोरोमा हराव उन्दु नोसै समाव मैनानि सावगागारि खौ नायबाय बिनिफ्राय सबा सब सबा खेबब्रै खुदुमबाय खुदुमखानानै बिखायाव लानानै गोजोन खुसियै खोरोमा उन्दुलांबाय। खोरोमहा बिमा-बिफाया लांखागोन नाथय मैनाहासो हरा आखायाव खामानि गैया दिग्बो गैया बेखार सेंग्रायो हरनानै मा जानो बेनो आंनि उन्दैसिन फिसाजो।

बिब सानैयाबो गोसो थोनानै गामियावनो हाबा जाजोबबाय। आरो दा बे सासेखौबो आं मा बोरैहाय गोरिब नखरआव बिलाइ हरनो बे जेव्लाबो जानो हाया थेवबो मैनाया खोरोमखौ मोजां मोनो मैनाया खोरोमखौ मोजां मोनो थिगानो नाथय मैनानि गोसोआ गोथार (गोथौ) नड। मानोना बियो खोरोमखौ मोजां मोनदोंब्लाबो दिनेसिमबो बियो खोरोमनि सिगाडाव थार खोथाखौनो बुंफेराखै। मैनाया खोरोमखौ थेनसनआवल' दोननो नागिरो गुबुन खोथाखौ बुंनानै। ओजोंहाय खोरोम मैनानि फंसेबो बाश्राखौनो नंखाय साना। मैनाया जेखौ बुडे खोरोमा बेखौनो गनायनानै लायो। जेरैहाय समाबो नेनानै थाया मानसिनि बैसोआबो थाबाय थाया समजों लोगोसेनो मानसिनि बैसोआबो थांफायो, थिग बेफोर बायदिनो मानसिनि साननायाबो मोनसेयैनो थाबाय थाया समजों लोगोसेनो मानसिनि साननायाबो गुबुन गुबुन जालांबाय थायो। बेफोर बायदिनो मैनानि गोसोआ दिने एसे गाबोन एसे सोलाय लांबाय थाबाय। मैनानि गोसोआबो एसेल' नड गोरिब गुन्द्राखौ सुगैग्रासो। मैनाया गामियावबो मोजां मोन्नाय दंखा बावयो। गामिनि मोजां मोन्नायनि नामा निपन निपननि बिफाया हायार सेकेण्डारीनि मास्तर नआबो आसाम टायेबनि आरो निपननि साखिआबो जाबोगासिनो दं। निपनआबो दिग् गैया नाथय बिफायानो निपननि साखिखौ खालामानानै होबाय। निपननाबो मैनाखौ मोजां मोनो आरो मैनायाबो निपनखौ थैनोबायदिसो मोजां मोनो। मैनानि साननाया निपननि फासं बांसिन थाग्रा जाबाय। बेलासि बेलासियाव सानेबो लोगो हम्ज्जायबाय थायो, मोजां मोन्नायनि बाश्रा रायज्जायो, निपना मैनाखौ खोरोमखौ मोजां मोनो होन्नानै मिथि खागौ थेवबो निपना मैनाखौ मोजां मोनो।

मानोना मैनाया निपननो रियेल खोथा होयो गोदें-गोदें रावजों बरायबाय थायो बेनि बेबायदि दाव मैनानि गारांजों गोदें राव होबाय थायोब्ला बिखौ सोर मोजां मोना जानो। सानसे खालि बिसोरो निपन आरो मैना सानैबो खंखाबारि पारगाव बेरायनो थांबाय। फांसे बिफांनि सायख्लुमाव जिरायनानै, निपना बुंबाय मैना नोंखौ आं माब्ला जुलिलानो हागोन जिउआव नोंखौलानानै नोंखौल' आं सानफलांबाय थायो, स'ना आंबोथ' बिदिनो सानो आदा, माब्ला आं नोंखौ सानै सानैनो जानाय-लॉनाय थिग गैया फरायनो लुबैया आरो हराव उन्दुब्लाबो

निनानो थाड नोंखौनो सानै सानै नोंनि थाखायनो माब्लाबा आं खुसि जायो माब्लाबा आं मेगनाव मोदें लायो। निपना मैनाखौ खेबसे खुदुमनानै बुडे, जारौ मैना आं नोंखौ थाबैनो जुलि लागोन स'ना नों आंनि खोनथाल' दाबावगार आं नोंनो साखिनि फासं दरमा मोनब्लानो मबाइल बायनानै हरगोन स'ना नों आंखौल' दाबाव आंनि अनगा गुबुनजों जुलि जायोब्ला नोंनि खाफालनि सिन्दुरखौ आं खोरोमनानै हागोन स'ना आरो आंबो बे बुहुमाव थांनानै थाया स'ना, मैनाया बुंबाय नोंनो आंनि फासं आरो लास मोजां मोन्नाय आदा नोंजों जुलि जानो मोनाब्ला आंबो बे बुहुमाव थांनानै थाया आदा। बिबायदि रायज्जाय खानानै बिसोरो सानैबो नआव फेबाय ओजोंहाय मैनाया खोरोमखौ एसे एसे बावगारनो हम्बाय माब्लाबा फनजों रायज्जाय हरो खोरोम आंखौ बाबानि लोगो ककराझार बिजनीनि साखि आवला नायनो फेदों आरो बबावबा आदानि लोगो खुंथा मारिनि नायनो फेदों होन्नानै खोरोमनि सिगाडाव बुंहरो। बे खोथाखौ खोरोमा थार साननानै आं मैनाखौ मोनमारनाय नंला साननानै खोरोमा ओंखा-जाया दै-लोड थायो हाजासे दुखु जायो खोरोमा दै गब गब हांमा सुरे सुरे गाबबाय बायो बिमा-बिफा बिदा-फंबायनि फंसेबो बाश्राफोरखौनो खोनासंलिया खालि मैनानि बाश्राखौल' सानबाय थाग्रा जाबाय खोरोमा नाथय मैनाया खोरोमनि फारसे जेबोखौनो साना खोरोमनि सिगाडाव बुंनाय बाश्राफोरा नंखायसो, मानोना मैनाया बिखौ बोरै हाय हागौ गारनोसो नाजागासिनो दं। गामिनि मोजां मोननायखौसो थार मोजां मोन्नाय साननानै लायो, नाथय खोरोमखौ बियो दै बानानि साबोन फेफोना बायदिसो मोजां मोनो। लोगोफोरा बुंबलाल'सो खोरोमखौ सानफलायो बेनि उनाव दसेनि उनावनो बावगारलाडे।

मैनानि थार लोगोआ बबिता आरो पुजा, बबिता आरो पुजाया खोरोमखौ गारनानै निपनखौ मोजां मोन्नायनि थाखाय मैनानि गोसोखौ थिग नड होन्नानै सानो। खोरोमा मैनानि थाखाय बेसेदि खस्थ सहाय नांदों बेफोरखौ मैनाया जेबोखौनो मिथिया। मानोना मैनाया मोजां मोन्नायखौ नंखाय भावथिना गेलेनाय बायदिसो सानो। खोरोमा मानो खस्थ सहाय नाड जानो बिनि मान समानखौ मैनाया जाजोबबाय। सानफ्रोमबो फन हरो, माब्ला बिमाआ हरो, माब्ला बिबथैया हरो, माब्ला बिमादैया हरो सोर बिबाय खोरोमनि मोजां मोन्नायखौ नखरनि मानसिफोरा मिथिया जानो। खोरोमा लाजिनायजों गावनि दुखुनि हांमाजों गावनि जिउखौ दान होन्नानै साखि नागिरबाबो मोनैलाय बिमायजों थांफाबाय बियो हायद्राबादाव हाजिरा मावनो। हायद्राबादाव थानाय समावनो खोरोमा गोसोखौनो बुरखायनो हालिया मैनाखौल' सिमां-मोगथां जाखं फेनाय बायदि नुबाय थायो। मैनानि सावगागारिखौ नायै नायै सानो जों सानैबो सिब मन्दिरखौ साखि दोननानै मोजां मोन्दोंमोन दिने बेफोर मा जालांखो, जोंनि समायखिरा लानाया बहा थांखो हे इसोर बहा थांखो। मोजां मोन्दोंमोन आं नोंखौ गोसो मोदोम जिउ होसारनानै गोथार गोसोजों, नोंलाय आंखौ मानो थौले गोसोजों मोजां मोन्नाय आंखौ मानो फाग्ला खालामलांखो आंनि खौसे थानाय मेलेमखौ नों मानो जुजाय सारनानै होखो। नंला आंनो मोजां मोन्नाय हिन्जावखौ खाफालाव गैयाब्ला हाजार मोजां मोनब्लाबो मोना। खोरोमा जौजोनो जौ गोजोमनानै थाग्रा जाबाय जौआनो बिनि जिउ, जौआनो बिनि ओंखाम जौआनो बिनि हर आरो सान।

बेनि बेफोर बायदिखौ नुनानै बिमायाबो दुखु मोनफायो आरो बिखौ बावहाय दोनबाय थायोब्ला मोजां जानाय नड सानानै नआव दोनफेयो खोरोमा आवगायनि बायदि नंला दा बियो हिन्जावनि फाग्ला जानानैसो थाबाय।

मुनव्वर फारुकीनि सोमोन्दोखौ नुनानै सुबुंफोरा रनभिर-दिपिकाखौ गोसो खांदों

मुनव्वर फारुकीआ बे समाव बिग बस 17 जों लोगोसे सशेल मिडियाआवबो गोबां सावरयजादों। आगुनि गार्लफ्रेंड नाजिला सितसि आरो आइसा खानजों लोगोसे दाबल डेटिनि सायाव फोरमायनाय बाश्राया स्टेन्ट अफ कमेडियाननि सिनायथिखौ सशेल मिडियाआव गात्रि खालामदों। माखासे फेन्सफोरा मुनव्वरखौ हेफाजाब होनानै बेखौ आइसानि मोनसे पाब्लिसिटी स्टान्ड होनानै फोरमायदोंब्ला गुबुन फारसेथिं माखासे इजजारफोरा बिखौ मेनि पुलेटर आरो सितरनि टेग होदों। बेनि गेजेराव माखासे इजजारफोरा मनुव्वरनि



रिलेशनसिपखौ नुनानै बलिउड ज'र रनभिर सिंह आरो दिपिका पाडुखनखौ गोसो खांदों। मुनव्वर फारुकीनि आगुनि गार्लफ्रेंड नाजिलाया आरो कमेडियाननि गेजेराव आथिखालाव जेबो

रोखोमनि सोमोन्दो गैला होन्ना रोखा खालामखांबाब्यब्ला गुबुन फारसेथिं बिग बस 17 आव आइसाजोंबो बिनि सोमोन्दोखौ सोलायनाय नुनो मोन्दों। बिग बस 17 आव सोलिनाय

मुनव्वर-नाजिला आरो आइसानि बे गासै जाथायफोरखौ नुनायनि उनाव सशेल मिडियाआव सुबुंफोरा दिपिका पाडुखन आरो रनभिर सिंहनि कपि उड्ट करण-8 नि गिबि एपिसदखौ गोसो

खांदों। करणनि स्व'आव दिपिकाया बुंदोंमोनदि, गाव रनभिर सिंखौ लोगो मोन्यायनि सिगां के जुएल डेटिं खालामखांबाय। आथिखालाव मुनव्वरनि बे ट्राइएंगलखौ नुनानै इजजारफोरा बिग बस 17 आव थोंजोडें बै एपिसदनि सिक्किटखौनो लाबोदों होन्ना हमदादों। मुनव्वरखौ लाजि फोफानानै सासे इजजारआ लिरदोंदि, मुनानि नाजिलाजों ब्रेकआप जानाया मोनसे जाथाय जादोंमोन। जेराव बियो आइसाजों मुभ अन जाखांबाय। नाथाय बियो हमदाडोदि, गाव दासिमबो नाजिलाखौ मोजां मोनो आरो बिग बसआव फेनायनि सिगां बिजों थांदों। बियो दिपिका रनभिरनि कपि उड्ट करणजों जानाय जाथायजों एखे जादों। गुबुन सासे इजजारआ लिरदों, जुदि नोंथाड आइसाखौ डेट खालामदोंब्ला गासै समावबो नोंथाड गावनि आगुनि मोजां मोन्याय नाजिलाखौ मानो गोसो खाडो।

प्रभाशनि सावथुन सालारखौ लानानै फेन्सफोरा गोबां उसु-खुथु जादों



एक्सन फिल्म। जायनि बिथोनगिरिआ केजिएफनि मुंदंखां डिरेक्टर प्रशान्त नील। आथिखालाव सावथुन बानायगिरिआ सावथुननि नैथि ट्रेलारखौ रिलीज खालामबाय। जेराव प्रभाशनि गोखौ एक्सन खालामनायखौ नुनो मोन्दों। बे ट्रेलारआ सावथुननि थाखाय बांसिन गोसो दुखांहोनायखौ नुनो मोन्दों। रिपर्टनि बादिब्ला, सालार सावथुनआ एडभान्स बुकिं आव मोजां कालेक्सन खालामगासिनो। बुक माइ श्व'आव गोबां नायगिरिफोरा टिकेट बुकिं खालामदों। बावैसो सानआव अन्ध प्रदेश आरो तेलंगानायाव सालार सावथुननि एडभान्स बुकिं खौ अपेन खालामदों जेराव माखासे मिनिट समनि गेजेरावबो प्रशान्त नील आरो प्रभाशनि बे जराआ गोबां नायगिरिफोरखौ प्लेटफर्मआव

गोसो बोनो हादों। सावथुन बिजिरगिरि मानवाला भिजयबालननि बादिब्ला, बुक माइ श्व'नि पटेलआ सावथुननि बुकिं खालामनायजों दोहो सोमजिखांदों। जायनि जोहै सालार सावथुनखौ गोबां जाफुंसारनाय मोनगोनखौ मिर्जिथिदों। माखासे इजजारफोरा लिरदोंदि, सालारआ गिदिर ब्लकबास्टर सावथुन जागोन। बेनिनो गुबुन सासे इजजारआ बुंबावदोंदि, प्रभाशनि दोहो गोनां फावखौ नुनो मोनगोन। बेफोरनि गेजेरावबो माखासे सुबुंफोरा सावथुननि सायाव टैक्निकेल प्रब्लेम होन्नानैबो बुंदों। रिपर्टआव फोरमायनाय बादिब्ला, अपेनि डेआव सालार सावथुननि थाखाय 6 लाख टिकेटआ फानजाबाय। बेनि गेजेरावबो सावथुनआ 13.50 कौटि रनि फालांगि खालामबाय।

2023 माइथायनि जोबनाय समाव माखासे सावथुनफोरा जर'खा महर होनो हागौ। डिसेम्बरनि थामथि सप्ताहआव शाहरुख खाननि सावथुन डंकी आरो प्रभाशनि सालारआ रिलीज जागोन। मोननैबो सावथुनखौ लानानै फेन्सफोरनि बोदोर जानायखौ नुनो मोन्दों। एडभान्स बुकिंनि समाव माब्ला डंकी, माब्लाबा सालारखौ गोखौं बादायलायनाय नुनो मोन्दों।

मोननैबो सावथुननि गेजेराव बक्स अफिसआव बबे मोनसे सावथुनआ साबसिन दिन्थिफुनो हागोन बेखौ समासो फोरमायसिगोन। नाथाय आथिखालाव खौरां मोन्याय बादिब्ला, सालार सावथुनआ गाहामसिन जागोनखौ मिर्जिथिनाय फोरमायदों। हम्बले फिल्म प्रडाक्सननि बेनारआव बानायजानाय सावथुन सालार पार्ट 1 सिस्फायरआ फेन्सफोरनि बयनिखुइ बांसिन हास्थायजानाय

गादार 2 नि जाफुंसारनायनि उनाव अनिल शर्माआ नाना पाटेकारजों गोदान प्रजेक्टआव नांथाबदों



खालामजागोन। गिबि सिडिउलडनि जोहै नानानि खामानिनि थाखाय अनिल शर्माआ गोबां गोजोन्नाय मोन्दों। बिथाडा दैनिक जागरननि हेफाजाबजों खौरां बिलाइ मिड डेजों बाश्रा सावरयनाय बुंदोंदि, खेबसे स्क्रोफ्ट मोन्यायनि उनाव बियो आबुडैफरायसाबादि आखु दिन्थियो। बियो बिथोनगिरिजों जिरायो, आरो मोनफोमबो डायलगाफोरखौ लिरो आरो गावनि आलादा नटबुकबो बानायनानै लायो। बिथानि बादिब्ला, जेब्लानो गाव सेटआव फेयो अब्ला गावनो

डायलगाफोरखौ गोसोआव थानांगौआ गोनां। जायखौ आं आनि पारफर्मन्सआव गोसो होनो हायो होन्नानै बुडो। जानो हागौ बेनि थाखाय स्क्रोनआव बिथानि डायलगाफोरा मोखथाडारिजों गोबां गोरोबो।

फावखुं गुर सानि देअलनि सावथुन गादार 2 आ मोजां जाफुंसारनायनि उनाव सावथुन बानायगिरि अनिल शर्माआ जोबथा नभेम्बर दानआव गावनि गुबुन मोनसे सावथुननि शुटिंखौ जागायदों। सावथुनआव फावखुं गुर नाना पाटेकार, उत्कर्ष शर्मा आरो फावखुं गुर खुस्बु सुन्दरआबो गाहाइ फाव खालामदों। बे सावथुननि गिबि सिडिउलडखौ बारानासिआव शुट खालामनाय जादों। आथिखालाव खौरां मोन्याय बादिब्ला, सावथुननि गुबुन सिडिउलडनि थाखाय फेगौ बोसोर जानुवारिआव सिमलायाव थांगोन। सावथुनजों सोमोन्दो थानाय खौरांनि बादिब्ला, गुबुन सिडिउलडनि थाखाय बिथोनगिरि अनिल शर्माआ 40 साननि थाखाय सिडिउलडखौ थियारि

खालामनाय जादों। बे सिडिउलडनि जोबथा शुटखौ 15 जानुवारिआव सिमलायाव खालामगोन। बे सिडिउलडनि जोबनायनि उनाव टीमआ मुम्बाइआव फेफिनगोन। जेराव सावथुननि थामथि आरो जोबथा सिडिउलडआ शुट

मारवासे स्टारफोरा गावसोरनि फिसाफोरखौ ससेल मिडियाआव लाबोनो साना पेपाराजिफोरनि केमेशनफ्राय बारग'नाया गोलें नड, नाथाय माखासे स्टारफोरा गावनि फिसाफोरखौ बिसोरनिफ्राय गोजानआव लाखिनो नाजायो। माखासे स्टारफोरा गावसोरनि फिसाफोरखौ बिसोरनि सिगाडव लाबोनानै बिसोरनि फिसाफोरनि सावगारिफोरखौ भाइरेल खालामनो साना। भारतीय क्रिकेटर भिरट कहली आरो फावखुं गुर अनुशुका शर्मा, रानि मुखार्जी बायदि माखासे सेलिब्रिटीफोर दड, जाय पेपाराजिफोरनिफ्राय गावसोरनि

फिसाफोरनि सावगारि लायैनि थाखाय आर'ज गाबो। बिबिदोनो पेपाराजिफोराबो बिसोरनि बाश्राखौ मानियो। बिबिदोनो माखासे जाथाया फावखुं गुर बिपाशा बसुजोंबो जादों। बबेखानि मंगलबारआव बिपाशाआ गावनि फिसाइजों

सुपार स्टार शाहरुख खानआ आथिखाल सानफोराव गावनि फेनो गोनां कमेडि ड्रामा सावथुन डंकीनि प्रम'सननि फिसाजोनि मोखांखौ फांथेनानै पेपाराजिनि सिगाडव सावगारि सेबखानायखौ बाद होदोंमोन। बिथानि बेबादि बुंनायखौ मानिनानै पेपाराजिफोराबो सावगारि सेबखानायखौ बन्द खालामदोंमोन। बे भिडिअआव माखासे नायगिरिफोरा बिपाशानि बे आखुखौ नुनानै बाखानायदोंमोन। बेनिनो माखासे सुबुंफोरा बे बाश्रानि सायाव बेरेखा जादों जे सेलिब्रिटीफोरा गावसोरनि फिसाफोरनि सावगारिखौ मानो दिन्थिनो साना।

गाहाम देहानि राहा

अखा बोथोराव स्कीननि जेंनानिफ्राय जानगाराव थानो निम आरो काम्परखौ बाहायनो हायो

अखा बोथोराव स्कीननि जेंनाया गोखैये बांनो हयो। गोबां खेब खुरु, गुबुन मानलुनाय बायदि जाहोनाव नोंथाड गोलाव समसिमनि थाखाय जेंनाजों भुगिनानो हागौ। बेनि अनगायै बे बोथोराव पिम्पल, ब्लिस्टर आरो स्कीन रेसआव जायो, जाय गोलाव सम जेंनायाव खोखैयो। लोगोसेनो अखा बोथोराव एम्फौ-एनला अरनायनि जाहोनावबो नोंथानियाव मानलुनाय आरो आलौनाय जानो हागौ। बेबादिआव नोंथाड निम आरो काम्परखौ बाहायनो हायो। (1) अखा बोथोरनि जोखोम जानाया नोंथांखौ गोलाव समनि थाखाय जेंनायाव खोखैयो। बेबादिआव निम आरो काम्परखौ बाहायनानै नोंथाड माखासे जेंनानिफ्राय जानगाराव थानो हायो। बे मोननैआ एन्टिबैक्टीरिएल आरो एन्टिफांगाल गुनफोरजों



बुंफबनायनि अनगायै बेयो जोखोम जानायनि दागोफोरखौबो बाडाइ खालामो। बेनि थाखाय निम आरो काम्परखौ उन्नानै लानांगौ आरो बेखौ लेप बानायनानै लान्थियै फुन्नानै लानांगौ। (2) अखानि दैआ स्कीनआव आलादा रोखोमनि मानखानायखौ सोमजिहोयो। बेबादिआव नोंथाड निम आरो काम्परनि थाव बानायनानै गावनि स्कीननि थाखाय बाहायनो हायो। बेनि थाखाय निमनि बिलाइखौ काम्परजों नारेंखल थावआव

लगायनांगौ। बेनि उनाव बे थावखौ गावनि स्कीनआव फुन्नांगौ। बेयो नोंथानि मान्यायखौ बाडाइ खालामो। (3) आलौनायखौ मोजां खालामनो काम्परखौ नोंथाड गोबां रोखोमै बाहायनो हायो। बेनि थाखाय नोंथाड काम्परखौ उन्नानै बेखौ इडकेलिप्टासनि थावआव लगायनांगौ। उनाव बेखौ जेराव आलौदों बेवहाय फुन्नांगौ। बेखौ सानफोमबो बाहायनो हायो। नोंथाड बेजों गोबां जेंनानिफ्राय रेहाय मोनगोन आरो गोजोन हमादंगोन।

सावथुन एनिमेलआ बक्स अफिसआव गोबां रां आरजिनो हादों

रणबिर कापुरनि थाखाय 2023 नि जागायजेन्नाया सावथुन तुडुति मै माक्कारजों लोगोसे थारैनो सरासन्ना जादों। नाथाय बिनि थाखाय 2023 नि जोबथा समावो गोबां जर'खा जानो हागौ। 1 डिसेम्बरखालि बिनि सावथुन एनिमेलआ सिनेमा हलफोराव रिलिज जादों। सन्दिप रेडडी वांगानि बे सावथुनआव रणबिर कापुरआ दासिमनि गावनि केरियारनि बयनिखुइ आलादासिन फावखौ



खालामदोंमोन। एनिमेलनि सिनेमा हलआव रिलिज जानाया 18 सान आबुं जाबाय। नाथाय सावथुननि थाखाय फेन्सफोरनि थुलुंगा खानायखौ बाडाइ जानाय नुनो मोनाखै। डमेस्टिक बक्स अफिसआव एनिमेलनि रां आरजिनाया गोबां मोजां जादों। नाथाय मुलुगनाडै रणबिर कापुर-बिबि देअलनि सावथुनआ 2 गुण गोखैथिजों आवगायदों। जवाननि उनाव जुदि बबेबा सावथुना गोबां गोखैथिनि रां आरजिदों

होनोब्ला बेयो सावथुन एनिमेल। रणबिर कापुर-रश्मीका मन्डाना आरो बबी देअलनि एनिमेलआ मुलुगनाडै दासिमाव टाइगर-3 निफ्राय लानानै सानि देअलनि गदर-2 सिमखौ उन खालामनो हादों। 'सांवारिया'आ रणबिर कापुरनि 16 बोसोरनि केरियारनि गिबि सावथुन, जाय बक्स अफिसआव बांसिन रां आरजिदों। रिलिजनि 19 सानावबो मुलुगनाडै

एनिमेलआ जेन्नाय मानियाखै। रबिबारासिमाव बक्स अफिसआव 835 कौटि रांखौ आरजिनाय बे सावथुना मुलुगनाडै मंगलबारखालिबो मोजां फालांगि खालामदों। रिपर्टनि बायदिब्ला एनिमेल सावथुना दासिमाव मुलुगनाडै 843 कौटि रांखौ आरजिनो हाबाय। मख'नो गोनांदि, एनिमेलआ बे बोसोरनि बयनिखुइ बांसिन रां आरजिनो हानाय 6 थि बलिउड सावथुन जानो हाबाय।

डंकी सावथुननि ट्रेलारखौ मुलुगानि जौसिन बिलिंडं बुर्ज कलिफायाव दिन्थिदों

थाखाय मुखुबआव दड। मंगलबारखालि सावथुननि ट्रेलारखौ मुलुगानि बयनिखुइ जौसिन बिलिंडं बुर्ज कलिफाआव दिन्थिनाय जादों। बेनि उनाव प्रमसननि बाहागोआव मोनसे डून श्व'नि हाबाफारि लानाय जादों। शाहरुख खानजों लोगोसे बे समखौ नायनो थाखाय हास्थायगिरिफोरनि गोबां जमा जानायखौ नुनो मोन्दों। श्व'नि गेजेरजों माखासे डूनफोरा जोमैआव सोरां होनायखौ नुनो मोन्दों। फावखुं गुरआ गावनि मुंदंखा फाव अपेन आर्मनि पजखौ डूननि गेजेरजों जोमैआव दिन्थिनाय जादों। डंकीनि टाइटेल आरो शाहरुख खाननि मुंखोबो डूननि गेजेरजों दिन्थिनाय जादों। बेहाबाफारिनि माखासे सावगारि आरो भिडिअफोरा ससेल

थाखाय मुखुबआव दड। मंगलबारखालि सावथुननि ट्रेलारखौ मुलुगानि बयनिखुइ जौसिन बिलिंडं बुर्ज कलिफाआव दिन्थिनाय जादों। बेनि उनाव प्रमसननि बाहागोआव मोनसे डून श्व'नि हाबाफारि लानाय जादों। शाहरुख खानजों लोगोसे बे समखौ नायनो थाखाय हास्थायगिरिफोरनि गोबां जमा जानायखौ नुनो मोन्दों। श्व'नि गेजेरजों माखासे डूनफोरा जोमैआव सोरां होनायखौ नुनो मोन्दों। फावखुं गुरआ गावनि मुंदंखा फाव अपेन आर्मनि पजखौ डूननि गेजेरजों जोमैआव दिन्थिनाय जादों। डंकीनि टाइटेल आरो शाहरुख खाननि मुंखोबो डूननि गेजेरजों दिन्थिनाय जादों। बेहाबाफारिनि माखासे सावगारि आरो भिडिअफोरा ससेल



मिडियाआव भाइरेल जादों। चक डे इन्डियानि फावखुं गुरनि फेन क्ल्याब एसआरके आ इडनिभासनि ग्रेन्ड इम्पेन्टआव माखासे सावगारि आरो भिडिअफोर शेरार खालामदों। बैयाव शाहरुखआ गोसोम टि सार्ट आरो डेनिमजों लोगोसे गोजा जेकेट आरो गोसोम चडमा गान्दोंमोन। दुबाइआव सावथुन प्रमसननि थाखाय शाहरुखखौ गोबां दिदोम आखुआव नुनो मोन्दों। बे हाबाफारिआव डूननि

फावखुं गुरनि अनगायै सावथुननि बिथोनगिरि राजकुमार हिरानी आरो लिरगिरि अभिजात जशिआबो दंफयोमोन। सावथुन डंकीनि बाश्रा बुडोब्ला, सावथुनआव शाहरुखनि अनगायै तपपि पानु, बमोन इरानी आरो भिवकी कौसलखौबो गाहाइ फावआव नुनो मोन्दों। आभिजात जशि, राजकुमार हिरानी आरो कनिका दिल्लजों लिरजानाय डंकीआ साब्रे लोगोफोरा गुबुन हादरसिम दावबायनायनि मोनसे गोसो बोनो हाथाव सल'।

पाकिस्ताननि आगुनि गाहाइ मन्थिया माखासे बाथा फोरमायदों

लाहूर, 20 डिसेम्बर : पाकिस्ताननि आगुनि गाहाइ मन्थि नवाज सारिफ आ हादतआव सोमजिनाय जेनाथि थाखाय सान्नि आफरदिन सायाव थाखिनानै बुंदोंदि, रांखास्थि जेनाजों भुगिनानाय हादतनि जेनाथि थाखाय भारत आरो आमेरिकाया दायनिगिरि नड, बे दयाव गावसोरनो गावसोरनि आइथिडव दानानै लादों। त्रैथि खेब पाकिस्ताननि गाहाइ मन्थि



जानायनि सिमां नुनाय 73 बोसोर मुस्लिम लिंग-नवाज बैसोनि सरिफ आ पाकिस्तान (पिएमएल-एन) नि टिकेटनि

टिकेटनि दाबि दैखानाय बिजाथिफोरजों बाथा सावरयनाय समाव बुंदोंदि, बिखों 3 खेब-1993, 1999 आरो 2017 आव खुं थाइनिफ्राय एर'न्याय जादों मोन। बियो बुंदोंदि, आथिखालाव पाकिस्तानआ जाय थासारियाव दड। बे थासरिनि थाखाय भारत, आमेरिका आरो आफगानिस्तानआ दायनिगिरि नड, जेराव गावसोर गावसोरनि आइथिडव दाना लादों।

17 सान सिगां जोनोम मोन्नाय फिलिस्ताइननि सासे गथ'आ जिउ खोमानांदों



गाजा, 20 डिसेम्बर : गाजानि दावहानि समाव सासे फिलिस्ताइननि 17 सान सिगां जोनोम जानाय गथ'आ थैदों। बे गथ'आ दावहा जानाय समाव खोला गाजा सहरनि गंसे देहाफाहामसालियाव जोनोम मोन्दों मोन। बेवहाय मोब्लिब गैयामोन, लो गोसे नो सानफ्रोमबो भाव गालायनाया सोलिदों मोन। बिनि नख'रनि सुबुंफोर बिनि मुंखौ अल-अमिरा आइसा आरो न'आव गाबजिग्रा मुडै राजकु मारि आइसा दोन्दों मोन। थैनायनि सिगां बियो गावनि थामथि सप्ताहखौबो आबु खालामाख'मोन।

जेब्ला गाव फिसान्जालि खौ गाबजिग्रादों मोन अब्ला गाव गोबां गिखोंदों मोन। लो गोसेनो गाग्लोबनायाव गाव जोखोमबो जादों मोन। देहा फाहामसालिनि बिबानगिरिफोरा बुंदोंदि, इज्राइलनि गाग्लोबनायाव सा 27 सुबुंफोर थैदों, जेराव अमिरा आरो बिनि 2 बोसोरनि बिदा अहमदआबो दंफायो। सावसि मावख'नि बायदिब्ला, गाजानि गाग्लोबनायाव फिलिस्ताइननि सुबुंफोर थैनायनि अन्जमाया 20,000 सिमाव सौहैबाय। बांसिन सुबुंफोरनो इज्राइलनि गाग्लोबनायाव थैदों, जायफोरा 2 खावसे दाननिफ्राय गाजा ओन्सोलाव लास्त्रियै सिलिखार खालामदों। इज्राइलनि सास्त्रिफोरा बांसिनै न'सिडव थानाय नख'रफोरनि सायाव गाग्लोबो। बे दावहाया बै समाव जागायदों जेब्ला गाजायाव खुंथाइ खुंनाय हामास आरो गुबुन हान्जानि उतखारिफोरा 7 अक्टबरखालि खोला

इज्राइलआव हाबनानै 1,200 सुबुंफोरखौ बुथारो, जायनि गेजेराव बांसिनै इज्राइलनि नोगोरिफोर थैदों मोन आरो 240 गुबुन नोगोरिफोरखौ खानानै लादों।

गोदान दिल्ली, 20 डिसेम्बर : आर्जेन्टिनायाव गिखंथाव बारहुंखाया बारनायनि जाहोनाव माखासे सुबुंफोरा जिउ खोमानांदों। थासारिया ओरैबायदि गिखंथाव जादों मोनदि, आर्जेन्टिनायाव 150 किल 'मिटरनि गोखैथिजों बारहावा बारनाया सोलिदों। बे बारहावानि बेंखन्थाइजों उरां जाहाजआबो रैखाथि मोन्नो हायाखै। एयारपर्टआव थानाय गंसे उरां जाहाजआ गोखैथियै बारनाय बारहावानि जाहोनाव 90 डिग्रिसिमि गिदिदों आरो बेवहाय थानाय सिरिफोरग सौग्रावदों। मख'नो गोनांदि, बे उरां जाहाजआ आर्जेन्टिनानि

सा-सोनाब चीनआव फैनाय बांग्रिजों सा 131 सुबुंफोरनि जिउ गोमादों

बेइजिंग, 20 डिसेम्बर : सा-सोनाब चीननि हाजोआरि ओन्सोलाव हरसे फैनाय गोखों बांग्रिजों न'-बांफोरा बायखोन्दा थुख्नायाव सोलायो, जायनि जाहोनाव जोबोद गुसु बोथोरनि हरावबो थागिबिफोरा बाइजोआव थानांदों आरो 9 बोसोरनि गेजेराव फैनाय हादतनि बयनिखुइ गिखंथाव बांग्रिआव सा 131 सुबुंफोरनि जिउ गोमायो होन्ना बिबानगिरिफोर थानाय मंगलबारखालि खौरां होदों। बिबानगिरिफोर आरो चीननि मिडिया रिपर्टनि बायदिब्ला, थानाय समबार हर गेजेराव 6.2 गोखैथिनि बांग्रि फैयो। जेराव सा 700 निखुइ बांसिन सुबुंफोर जोखोम जायो। बेजों गांसु आरो किंघइ आन्सोलाफोरग लामा-सामाफोर सिलिखार जायो आरो



मोब्लिब फोनांजाबग्रा लाइनफोराबो थाबथायो। इमाजेन्सि मावसुमाफोरा गोदोनाय बिल्डिंफोर आरो मोनसे हा गिसिखानाय जाथाइयाव गोमानाय सुबुंफोरखौ नागिरासिनो दड। फारसेथिं जायफोर सुबुंफोर गाव गावनि न'खौ खोमाना लादों मोन बिसोर इमाजेन्सिआव बानायनाय केम्पफोरग थानानै हरनि समखौ हगार हरनांदों। बे जाथाइनि सोमोन्दै सासे भुगिनां ग्राया

मोनसे मोगा-मोगिआव बुंदोंदि, बिसोरनि न'आ गोमालां बाय आरो बिनि साहा गलानि मोनसे बाहागोआबो आबुडै बायबायमोन। बांग्रि मावनायनि जाहोनाव बिसोर न'आव थांफिन्नो गिदों आरो गिबि हगव गावनि बिसि सानै फिसाफोर आरो माखासे न'सुंसेनि सुबुंफोरजों लो गोसे मोनसे आबादथिलिआवनो समखौ हगार हरनांदों। अखानायै सोरानानै बिसोर मोनसे तम्बु बरिस्टिआव

थाडो। जेराव गासै सा 700 सुबुंफोरा थागासिनो दड। सान्जोफुसिमाव बिसोर कम्बल आरो गरम सि-जोम सौहैनायखौ नेबाय थदों मोन। चीन बांग्रि नेटवार्क मिरुआ बुंनाय बायदिब्ला बे बांग्रिआ गांसुनि जिशिशन काउन्टिआव 10 किल 'मिटर (6 माइल) नि गोथौआव फेदों। जाय किघइजों लो गोसे ओन्सोलारि सिमनानिफ्राय गासै 5 किल 'मिटर (3 माइल) गोजानाव दड। रिक्टर स्केलाव बे बांग्रिनि गोखैथिखौ 5.9 डिग्री सुनो मोन्नाय जादों। बे बांग्रिजों गांसुआव सा 113 सुबुंफोरनि जिउ गोमानाय आरो सा 536 गुबुनफोर जोखोम जानायनि खौरां मोन्नाय जादों।

आर्जेन्टिनायाव बारहुंखाया गोबां सिलिखार खालामदों



राजथावनि ब्युनस आयर्सनि जर्ज इन्टारनेशनेल एयारपर्टआव लाखिना दडमोन। बे उरां जाहाजआ गोखैथियै

बारनाय बारहुंखानिफ्राय रैखाथि मोन्नो हायाखै। बारहुंखाया गोखैथि जानायजों उरां जाहाजआबो एयारपर्टआव 90 डिग्रिसिमि गिदिदों। बे समाव उरां जाहाज खाथियाव सिरिफोरबो दडमोन। उरां जाहाजनि बेंखन्थायाव फैनायजों सिरिफोरा सिलिखार जादों। लो गोसेनो उरां जाहाजआबो ख'हा जायो। आथिखालाव जाथाइनि भिडिअया गोखैथियै गोसारदों। मख'नो गोनांदि,

आर्जेन्टिनायाव गिखंथाव बारहुंखा बारनाया सा 16 निफ्राय बांसिन सुबुंफोरनि जिउखौ फोजोबदों। बारहुंखाया बयनिखुइ गिबिसिनाव 16 डिसेम्बरखालि निउनस आयर्सनिफ्राय 570 किल 'मिटर खोला फारसे जाहाज गाथोन थानाय सहर बाहिया ब्लेनकायाव बारजेन्दों मोन। बेजों माखासे न' बिल्डिंफोरा गोबां ख'हा जादों मोन।

कलराड सुप्रिम कर्टआ आगुनि हादतगिरि डनाल्ड ट्राम्पखौ हादतगिरि मासिनि थाखाय गुण गैयै महरै फोसावदों

वाशिंग्टन, 20 डिसेम्बर : कलराड सुप्रिम कर्टआ थानाय मंगलबारखालि आगुनि हादतगिरि डनाल्ड ट्राम्पखौ आमेरिका संबिजिरनि गेजेरजों हवाइट हाउसनि थाखाय गुण गैयै महरै फोसावो। मख'नो गोनांदि, डनाल्ड ट्राम्पआ रिपब्लिकन पार्टिनि फारसेनिफ्राय हवाइट हाउसनि बादायनायनि थाखाय गाहाइ दाबि दैखानिगिरि। बियो जारिमिनाव गिबि खेब जादों जेब्ला 14थि संबिजिरनि आर्टिकेल 3 खौ बाहायनाय हादतगिरि मासिनि बिजाथिखौ गुण गैयै महरै फोसावदों।

बिजिरसालिया गावनि थांखियाव बुंदोंदि, बिजिरसालिया ट्राम्पखौ 14थि संबिजिरनि आर्टिकेल 3 नि गेजेरजों हादतगिरि मासि सामलायनायनि थाखाय गुण गैयै महरै गनायना लायो। आगुनि हादतगिरि डनाल्ड ट्राम्पआ थानाय 2001 नि 6 जानुवारिआव बिनि हेफाजाबगिरिफोरनि गेजेरजों इउएस के पिटेल हिलआव गाग्लोबनायाव गाहाइ बिफाव लानायनि जाहोनाव फैगौ बोसोरनि हादतगिरि बिसायख'थियाव कलरादायाव जानो गोनां भटआव बाहागो लानो हानाय नड। बेनि सोमोन्दै



राइज्योनि सुप्रिम कर्टआ थानाय मंगलबारखालि मोनसे जारिमिनारि थांखि खोनासंहोयो। कलरादनि सुप्रिम कर्टआ मोनसे जिल्ला बिजिरसालिनि थांखिखौ बोखारना होयो, जेराव बुंदोंदि, ट्राम्पआ 2001 नि 6 जानुवारिआव के पिटेल

हिलआव गाग्लोबनायाव गाहाइ बिफाव लानायनि थाखाय बिगारिफोरखौ थुनजलायदों मोन। नाथाय अब्लाबो बिखौ भटनिफ्राय होबथानो हानाय नड। मानोना बे नेखाथिनि थांखिआ हादतगिरि मासिखौ कभार खालामनायमोन।

सामब्राम गोजानि बेसेनाव थाबैनो दावरख्लायनायखौ नुनो मोनगोन

गोदान दिल्ली, 20 डिसेम्बर : जुदि नोंथाडवो बेसेन गोसा सामब्राम गोजा बायनानै जेनायाव गोसैदोंब्ला नोंथानि थाखाय मोजां खौरां। थानाय सानखालि सरकारनि फारसेनिफ्राय लानाय थांखिनि गोहोमखौ नख'रनि बाजारव नुनो मोन्दों। जायनि जाहोनाव सामब्राम गोजानि बेसेनफोरव खावसे निफ्रायबो बांसिन दावख्लायनायखौ नुनो मोन्दों। बेसेनफोरव बे बाडाइ जानायखौ हलसेल मार्केटआव नुनो मोन्दों। थाबैनो बेनि गोहोमखौ खुस्ना बाजारवबो नुनो मोनगोन। सरकारनि फारसेनिफ्राय 7 डिसेम्बरआव



सामब्राम गोजानि दैथाइहरनायाव होबथानाय जादों मोन। जायनि उनाव बेसेना बाडाइ जादों। फालांगिरिफोरनि बायदिब्ला, फैगौ सप्ताहयाव बेसेनाव दावख्लायनायनि सन्देह'दड। इक'नमिक टाइम्सआव फोसावदि खालामनाय खौरांनि बायदिब्ला एएमपिसिनि

जादों मोन। सुलुनि बायदिब्ला, दैथाइहरनायाव होबथानायखौ बोखारना होनो थाखाय धर्ना होनाय सामब्राम गोजानि आबाद मावग्राफोरा आसा खालामदोंदि, सरकार एटेनलनि थाखाय खुसेर बिदैखौ दिहुन्नायाव होबथानो थांखि लानायनाय गोदानै सावरयनो हागौ। सासे सामब्राम गोजा दैथाइहरग्रा सुबुंडा फोस्मायदोंदि, सामब्राम गोजाखौ आबादारिफोरा बाजारव लासै लासे लोबो नो हददों। मख'नो गोनांदि, बिसोरो मिरुनि फारसेनिफ्राय सामब्राम गोजा दैथाइहरनायाव होबथानायखौ बोखारना होफिनगोन होन्ना आसा खालामदों।

गाजायाव दासिमाव सा 19,667 फिलिस्ताइनफोरनि जिउ गोमाबाय

जरुशालेम, 20 डिसेम्बर : दावहा दोन्थ'नो दाबि दैखानायनि गेजेरजों गाजा पाट्टीआव इज्राइलनि गाग्लोबनाया सोलिगासिनो दड। बे गाग्लोबनायफोराव थानाय मंगलबारखालि सा 100 फिलिस्ताइनफोरनि जिउ गोमायो आरो गोबां जोखोम जायो। बे समाव सा गाजानि देहा फाहामसालिफोरनि गेजेराव गंसेनि सायावबो गाग्लोबो। फारसेथिं हामासनि बाहागोआव थानाय यमननि इरान मदतगिरि हुटि बिग्रायारिफोर रेड सिआव गाग्लोबनायखौ सोलिहोबाय थानो समाय लायो। बेजों हामायारि थाखोआव फालांगिनि सायाव बांसिनै गोहोम गोसलैनो हागौ। बेयफारसे गाहाइ शिपि कम्पनीफोरनि लामा सोलायनायजों जिगाया बांदों। आमेरिकाया बेनिफ्राय बारग'नो थाखाय गोबां माहारियारि टास्क फर्स फोसावो बेयो माल

रोगाग्रा जाहाजफोरखौ रैखाथि होगोन। इज्राइलनि सास्त्रि हान्जाफोरा थानाय मंगलबारखालि फोरमायोदि, हामासनि फाइनान्सार सुभि फरवानाखौबो रफाहनि खाथियाव खोला गाजायाव उरां जाहाजजों गाग्लोबनायाव गावथारो। मख'नो गोनांदि, फरवानानियाव हामास हान्जानि थाखाय रं बुधुमनायनि बिबान दडमोन। बेरफारसे गाजानि सावसि बिफाननि बायदिब्ला, थानाय 7 अक्टबरखालि हामासनि गाग्लोबनाय उनाव जागायनाय दावहायाव दासिमाव सा 19,667 फिलिस्ताइनफोर जिउ गोमायो आरो सा 52,586 सुबुंफोर जोखोम जायो। बे दावहायाव गासै 19 लाख सुबुंफोर न' गैजायै जानांदों। बेनि गेजेरजों फिलिस्ताइन रिपुजिफोरनि थाखाय इउएनआ गाजायाव 60 जौखोन्दो गुदि बिथाफोरा ख'ह



एबा सिलिखार जाबाय होन्ना फोरमायदों। फारसेथिं हाउटि बिग्रायारिफोरनि रेड सिआव माल रोगाग्रा जाहाजफोरखौ नोजोर होनायजों मोखासे हादतफोरा गावसोरनि फालांगिआरि लामाखौ सोलायनो गोनां जागासिनो दड। जायफोरनिनाय गुबुन लामा गैया बिसोर गावसोरनि थाखाय गुबुन लामा नागिरासिनो दड। आमेरिका आरो बेनि हेफाजाबगिरि हादतफोरा बे अलखदनिफ्राय बारग'नो थाखाय गोदान हाबाफारि जागायदों। बेनि गेजेरजों बिसोर

टास्क फर्स दानायव नांथाबदों। जायफोरा रेड हाउटि बिग्रायारिफोरनिफ्राय बारग'नो हायो। आमेरिकानि रैखाथि मन्थि लायड आस्टिनआ बुंदोंदि, खोला रेड सि आरो अदाननि लैथोमायाव जुथाइ पेट्रोल खालामनाय जागोन। फारसेथिं हुटि बिग्रायारिफोर रेड सिआव इज्राइलनि जाहाजफोर एबा बेयाव थांग्रा जाहाजफोरखौ नोजोर होबाय थागोन होन्ना बुंदों। मख'नो गोनांदि, रेड सिआ इउएन आरो एसियानि गेजेराव बयनिखुइ फिसासिन लामा।

रासियाआ सोलिफु दानाव 5 थि खेब क्विभआव गाग्लोबदों

क्विभ, 20 डिसेम्बर : रासियाआ मंगलबारखालि हर गेजेराव इउक्रेनि राजथावनि क्विभआव उरां जाहाजजों गाग्लोबदों। क्विभनि सास्त्रिफोर बुधुबारखालि फुनि समाव फोरमायदोंदि, इउक्रेनि रावथावनि खाथि खालायाव फैनाय गासैबो हाथियारफोरखौ सिलिखार खालामो। सोलिफु दानाव रासियानि गेजेरजों इउक्रेनि रावथावनि क्विभआव बे गाग्लोबनाया बाथि खेब गाग्लोबनाय जादों। क्विभनि सास्त्रि खुंथायनि गाहाइ सेरहि पपकआ टेलिग्राम



मेसेजिं एपआव बुंदों, खौरांनि बायदिब्ला राजथावनिनाय जेबो रोखोमनि ख'हा जानायनि खौराड सोराडव फैयाखै। बे के सनि सायाव रासियानि फारसेनिफ्राय जेबो बिबुंथिया सोराडव फैयाखै। रासियाआ

2022 नि अक्टबर दानाव इउक्रेनि जौगाखानाय, सास्त्रि आरो हान्था-मेलानि गुदि बिथा मुवाफोराव गाग्लोबनो जागायदों। इउक्रेनि हादतगिरि भलडिमिर जेलेनस्किया मंगलबारखालि बुंदोंदि,

सास्त्रिफोरा 4.5 निफ्राय 5 लाख आरो इउक्रेनि सुबुंफोरखौ आर्म फर्सआव लाफादेरनायनि रक्कुइस्ट खालामदों। इउक्रेन-रासियानि दावराव-दावसिया 2022 नि फेब्रुवारी दाननिफ्राय सोलिदों। दरनैबो हादतफोरा गावसोरनि दावराव-दावसिआव गोमानाय सुबुंफोरनि अन्जिमाखौ दोनखोमायो, नाथाय आमेरिकानि बिबानगिरिफोरा सन्देह' खालामदोंदि, दावहायाव रोजा रोजा सुबुंफोर थैदों आरो जोखोमबो जादों।

तामिलनाडुनि गिबि मन्थ्रि एमके स्टालिनआ गाहाइ मन्थ्रि नरेन्द्र मदिजों लोगो हमदों

गोदान दिल्ली, 20 डिसेम्बर : तामिलनाडुनि गिबि मन्थ्रि एमके स्टालिनआ मंगलबारखालि डिसेम्बर रिलिफ फाउन्डिफ्राय 2000 कौटि रंखौ फोसावनो आर'ज गाबदों, जायजों रइज्योनि खोला रइज्योफोरव सोमजिनाय देवानाजों गोहोम गोलैनाय गुदि बिथा मुवाफोरखौ मोजां खालामनो हायो। तामिलनाडुनि गिबि मन्थ्रि एम के स्टालिनआ गाहाइ मन्थ्रि नरेन्द्र मदिजों मंगलबारखालि हरनि समाव लोगो हमदों। स्टालिनआ दिल्लीयाव मदिनो गथाइनाय मोनसे खौराडव बुंदोंदि, बे जोबथा रेहाय होनायजों गोहोम गोलैनाय सुबुफोरव गाव गावनि जिउ खुनायाव रेहाय मोनाय आरो तिरुनेलभेलि, थु थुकु डि, कन्याकुमारि आरो तेनकासि जिल्लायाव अरायथा नडै हाबाफारि मावनायाव मदत



मोनगोन। माखासे सान सिगां माइसुं बारहुंखाया तामिलनाडुआव गोबां गिख्थाव थासारि सोमजिहोदोंमोन। फारसेथिं माखासे सानिफ्राय तामिलनाडुनि माखासे जिल्लाफोरव गोबां अखा हादों। अखा नि जाहोनाव सुबुफोरनि जिउ खुनाया गोबां ख'हा जादों। गिबि मन्थ्रि स्टालिनआ गाहाइ

मन्थ्रिजों लोगो हमनानै रइज्योआव अखानि जाहोनाव सोमजिनाय ख'हाफोरखौ डिसेम्बर रिलिफ फाउन्डि हरनानै सुलुनो आर'ज गाबदों। गिबि

मन्थ्रि स्टालिनआ तामिलनाडुनि खोला जिल्लाफोरव जाय ख'हाया जादों बै ख'हाखौ 100 बोसोरनि जादिमिनाव नुनो मोनाखेमोन।

18 बोसोर बैसोनि हिन्जावसाखौ बुथारनायनि थाखाय बिमा-बिफाखौ जोबथेसालिनि साजा होबाय

रम, 20 डिसेम्बर: रमिफ्राय गासै 430 किल'मिटर साहा थानाय इटालिनि रेगिय एमिबियानि गंसे बिजिस्सालिया 18 बोसोर बैसोनि समन अब्बासखौ बुथारनायनि थाखायनो बिनि बिमा-बिफा आरो बिब्येखौ साजा खोनासं होयो। बिजिस्सालिया गनायना लानाय बायदिल्ला बिब्येनि फिसालाजों नेवसिगारनायाव समन अब्बासखौ बुथारदों। थानाय बोसोरनि नभेम्बर दानआव समन अब्बासनि गोथे सहखौ सा इटालियाव थानाय बिनि बिफानि खामानि मावग्रा जायगानि खाथियाव थानाय गंसे फार्म हाउसआव मोन्दोंमोन। भिडिअ



पुटेसनि बायदिल्ला बिब्ये जोबथा खेब से खावसे बोसोर सिगां गावनि बिमा-बिफाजों

लोगोसे बेरायनाय नुदोंमोन। थानाय 19 डिसेम्बराव खोनासं होनाय थांखिआव समननि बिमा-बिफा शब्बर अब्बास आरो नाजिया शाहिनखौ जिउ जोबजासेनि साजा खोनासं होयो। बेनि अनगायै बिनि बिब्ये दानिशा हशनेनखौ रेजिय एमिलियानि बिजिस्सालिया 4 बोसोर जेलनि साजा खोनासं होयो। आथिखालाव बिब्येनि साने फिसालाफोरखौ जेलनिफ्राय हगारना होबाय। थानाय आगस्ट दानाव सब्बर अब्बासआ साजा खोनासं होनायनि सिगां बिजिस्सालियाव गाबै गाबै गावखौ जेबो दाय गैया होना फोरमायो। नाथाय आथिखालाव बेजों बिजिस्सालियाव जेबो गोहोम गोलैनाय नुनो मोनाखै। रिपटनिफ्राय मिथिनो मोनाय बायदिल्ला, समन अब्बासनि गोदोनानि बेगेंआ बायदोंमोन।

जायनिफ्राय बिब्ये गोदोना सेरथेंदोंमोन होना मिथिनो मोन्दों। इटालिनि बिजिस्सालियाव अजद दैखंग्राफोर थानाय 2021 नि 1 मेयाव बिनि नख'रआ बिब्ये बुथारनो खैसार सादों होना फोरमायदोंमोन। इटालियाव थानाय समाव समन अब्बासनि थानानै थानाय जिउनि स्टिनआ सोलायो आरो बियो खुला-खुलियै सानग्रामोन। नाथाय बिनि नख'रआ बिनि सान्नाय हनायनि सायाव गोजोनाय गैयामोन। बिनिखायनो बिसोर फकिस्तानाव थानाय बिब्येनि फिसालाजों जुलि खालामनो नारसिनो। बे केसआ इटालिनि बयनिखुइ हाइ प्रपाइल केसफोरनि सायाव मोनसेमोन, जेव जुलि जायै हिन्जावसाखौ बिनिनो बिमा-बिफाया बुथारदोंमोन। भुगिनांग्राया जरजुलुमै जुलि होनो थाखाय नारसिनायखौ हँथा होदोंमोन।

दिल्ली एनसिआरआव गुसुआ सुहाबसिन्दों



गोदान दिल्ली, 20 डिसेम्बर : नोंथाडवो गावनि थाखाय गंसे गोदान सिपनजि गारिखौ बायनो थांखि लादोंब्ला बेयो नोंथानि थाखाय मोजां खाबु जागोन। मख'नो गोनादि, माखासे गारि बानायग्रा कम्पानीफोरा गाव गावनि सिपनजि गारिफोरव बाम्फार डिस्काउन्ट होदों। मख'नो गोनादि, टाय, ह्युन्डाइ, मारुटि बायदि कम्पानीफोरा गाव गावनि गारिफोरव बाम्फार अफार होदों। टाय टियाग' आरो टियाग'नि सिपनजियाव 50 रोजा रनिफ्राय लानानै 55 रोजा रनि बाम्फार अफारखौ होदों। मारुटि सुजुकि बालेन'नि सिपनजिनि मडेलखौ बायनोब्ला नोंथानि सेभिंसआ 37 रोजा रंसिम जानो हागौ। बेजों लोगोसेनो सेलेरिय आरो एस-प्रेस'नि सिपनजिनि मडेलफोरव बाहायगिरिफोर 50 रोजा रंसिमनि मुलाम्फा मोनगोन। फारसेथिं जुदि नोंथाड मारुटि वागनार आरो सुइफ्टखौबो सिपनजिनि अप्सनजों लोगोसे बायनो सान्दोंब्ला नोंथाड

गोदान दिल्ली, 20 डिसेम्बर : नोंथाडवो गावनि थाखाय गंसे गोदान सिपनजि गारिखौ बायनो थांखि लादोंब्ला बेयो नोंथानि थाखाय मोजां खाबु जागोन। मख'नो गोनादि, माखासे गारि बानायग्रा कम्पानीफोरा गाव गावनि सिपनजि गारिफोरव बाम्फार डिस्काउन्ट होदों। मख'नो गोनादि, टाय, ह्युन्डाइ, मारुटि बायदि कम्पानीफोरा गाव गावनि गारिफोरव बाम्फार अफार होदों। टाय टियाग' आरो टियाग'नि सिपनजियाव 50 रोजा रनिफ्राय लानानै 55 रोजा रनि बाम्फार अफारखौ होदों। मारुटि सुजुकि बालेन'नि सिपनजिनि मडेलखौ बायनोब्ला नोंथानि सेभिंसआ 37 रोजा रंसिम जानो हागौ। बेजों लोगोसेनो सेलेरिय आरो एस-प्रेस'नि सिपनजिनि मडेलफोरव बाहायगिरिफोर 50 रोजा रंसिमनि मुलाम्फा मोनगोन। फारसेथिं जुदि नोंथाड मारुटि वागनार आरो सुइफ्टखौबो सिपनजिनि अप्सनजों लोगोसे बायनो सान्दोंब्ला नोंथाड



45,000 रं आरो 25,000 रंनि अफार मोनगोन। बालेन'आव बेस्ट हेसबेग टयटा ग्लेन्जा सिपनजियाव 51 रोजा रंसिमनि अफारआव बायनो हागोन। करियानि गारि बानायग्रा कम्पानि ह्युन्डाइ मटर कम्पानीया गावनि ग्रेन्ड आइ 10 नियस आरो अर सिपनजिआव 48,000 रंसिमनि अफार होदों। फारसेथिं ग्रेन्ड आइ 10 नियसआव 35,000 रंनि केस अफार, 10,000 रंनि एक्सेन्ज बनास आरो 3,000 रंसिमनि कपेट डिस्काउन्ट होदों। गुबुन फारसेथिं अरयाव 20,000 रंसिमनि केस अफार, 10,000

रंनि एक्सेन्ज आरो 3,000 रंनि गासैबो अफारआ 31 कपेट बनासखौ मोन्दों हायो। डिसेम्बरसिम थागोन।

सना-रुफानि बेसेना गोबां बांनायखौ नुनो मोन्दों


गोदान दिल्ली, 20 डिसेम्बर : सना-रुफानि बेसेना गोबां बांनायखौ नुनो मोन्दों। दिने माल्टि कमाडिटि एक्सेन्जआव सना आरो रुफा मोनैबोनि बेसेनाव गोखैथिखौ नुनो मोन्दों। सनानि बेसेना दिने 62,500 नि खाथियाव सौहैदों। बेनि अनगायै रुफानि बेसेना 75,000 नि खाथियाव ट्रेड खालामदों। जुदि नोंथाडवो सना बायनो थांखि लादोंब्ला एबा सनायाव इन्भेस्ट खालामनो खाबु नागिरदोंब्ला बेयो नोंथानि थाखाय मोजां सम जागोन। माल्टि कमाडिटि एक्सेन्जआव सनानि बेसेना 0.08 बांनायजों लोगोसे 10 ग्रामआव 62,523 रं जादों। बेनि अनगायै रुफानि बेसेना 0.14 जौखेन्दो बांनायजों लोगोसे किल'ग्रामफ्रोमबो 74,927 रं जादों। बेनि अनगायै आइबिजे एनि वेबसाइटनि बायदिल्ला, 24 के रेट सनानि बेसेना 10




ग्रामआव 62,199 रं जादों। बेनि अनगायै 22 केरेट सनानि बेसेना 10 ग्रामआव 57,203 रं जादों। फारसेथिं 18 केरेट सनानि बेसेना 10 ग्रामआव 46,837 रं जादों। नोंथाड ibjarates.com आव सनानि गोदान बेसेना नयनो हागोन। मिरु सरकारनि फारसेनिफ्राय सभरेन गलड बन्ड

स्किमनि 2023-24 नि 3 थि सिरिजआ गोवबाय। नोंथाड बेवहाय 22 अक्टिसम रं इन्भेस्ट खालामनो हागोन। सभरेन गलड बन स्किमआव 1 ग्राम सनानि बेसेनाखौ 6,199 रंआव थि खालामनाय जादों। जुदि नोंथाड 10 ग्राम सनाखौ बायोब्ला 621,990 रंखौ होनांगोन। बे बेसेना

आथिखालनि बाजारनि बेसेननिफ्राय बाडइसिन जायो। नोंथाड सनानि बेसेनाखौ न'आव थानानैबो नायनो हायो। इन्डियान बुलियन एन्ड ज्वेलास एशसिएशननि बायदिल्ला नोंथाड 8955664433 नम्बरआव मिसकल खालामनानै बेसेनाखौ चेक खालामनो हायो।



आसाम सरकार



माहारियारि देहा मावथाथि, आसाम

नोंथानि गथ'नि इयुन मोजानि थाखाय आहार दौनाय


“नर्मेल आरो चिजारिन मोननैबो सेक्सननि डिलिभ ररिजों जोनोम जानायनि उनाव 1 घन्टानि गेजेराव गिबि आहार दौनायखौ मावफुं!”

आहार दौनायनि मुलाम्फा

- सासे गथ'नि गोखों दावगानाय आरो जौगाहोयो।
- मोन्दांथि आरो बुजिमोनहोनायखौ दावगाहोयो।
- बेराम सन्देरनाय आरो लोरबां जालानायनि हँथायै गथ'खौ रैखाथि होयो।
- उदाडै आहार दौनाया गथ'फोरनि सरासनस्त्रा लोमजानाय जेरै- डाइरिया एबा निमनिया बायदिजों गथ'फोरनि थैनायखौ बाडाइ खालामो।
- गथ'फोरनि लोमजानायनिफ्राय थाबैनो उदां जानायाव हेफाजाब होयो।
- बिमानि गोग्गो आरो मोजां देहानि थाखाय बिहोमा होयो, फिसाख'नि खैफोद आरो आहार केन्सार जानायनि खैफोदखौ बाडाइ खालामनायाव हेफाजाब होयो।

रोखा खालाम

- जोनोमनि 1 घन्टानि गेजेराव गिबि दौजेन्नांगो
- 6 दानसिम आहारखौल' दौनांगो
- 2 बोसोर एबा बेनि गोजौआव गुबुन जाग्रा आदारजों लोगोसे आहार दौनांगो



(NHM/D/2023-24/1650)

जायखि-जाया देहजों सोमोन्दो थानाय सौथिनि थाखाय

104 कल खालाम

एच्युलेन्स सिविथाइनि थाखाय

108 कल खालाम